

淮南雜識



02281

淮南雜識卷三

高祖家訓

益省謙編

高祖家訓曰我高祖少皞摯之立也則以始

日知錄漢儒以會祖之父為高祖考之於傳高祖者遠祖

之名爾左傳鄭子來朝曰我高祖少皞摯之立也則以始

祖為高祖書盤庚肆上帝將復我高祖之德康王之誥無

壞我高祖寡命則以受命之君為高祖今攷爾雅釋親會

祖王父之考為高祖王父會祖王父之妣為高祖王母則

以會祖之父為高祖不始於漢儒

家公

顏氏家訓漢侯霸子孫稱祖父曰家公又曰河北士人皆

淮南雜識卷三

呼外祖父為家公後漢書范巨公傳王霸之子稱父為家

公世說陳元方對父客曰君與家君期日中則又稱父為

家君矣

大人公

顏氏家訓北閭風俗婦呼舅為大人公

親戚

史記宋世家箕子者紂親戚也韓詩外傳親戚既沒雖欲

孝誰為孝此謂其父母左傳封建親戚以蕃屏周此謂其

子弟三國志張昭謂孫權曰况今茲兇競逐豺狼滿道迺

欲哀親戚顧禮制此謂其父兄

淮南雜識卷三

漢諸帝以同父兄弟爲至親如景帝以梁孝王武至親有功賜天子旌旗昭帝以燕王旦至親勿治而齊孝王孫澤中山哀王子長皆伏誅成帝時惟中山定陶二人於帝爲至親

家世舊聞宋俗稱諸庶母爲支婆曲禮庶子本稱支子

隋書齊親家只母之子皆改齊之姓

隋書宇文述子士及尚煬帝蘭陵公主述奏李金才反狀

帝覽之泣曰吾宗祏幾傾賴親家公而得全舊唐書蕭嵩

子衡尚新昌公主妻賀氏入覲拜席元宗呼爲親家母盧

綸作王駙馬花燭詩云人主人臣是親家親字作去聲

淮南雜說卷二

謂妻爲妻子

韓非子鄭縣人十子使其妻爲袴其妻問曰今袴何如夫曰象吾故袴妻子因毀新令如故袴

民母

漢書衛青傳民母之子皆奴畜之服虔曰民母嫡母也

日知錄自父而上之皆曰祖書微子之命曰乃祖成湯是

也自子而下之皆曰孫詩闕宮之篇曰后稷之孫實維大

王是也

王平昆嘗

天姦屬

眷親屬也亦作姦見史記樊噲傳又按唐書宰相世系表

有西眷裴中眷裴東眷裴之號是同姓亦可稱眷矣

又丈人丈人之風

丈人之稱始見於周易王弼註嚴莊之稱也繼又見於魯論包咸註老人也戰國策嚴遂奉黃金百鎰爲聶政母壽曰爲丈人粗糲之費是女人尊者亦稱丈人樂府大婦織綺羅中婦織流黃小婦無所爲挾瑟上高堂丈人且安坐調絲方未央是舅姑皆可稱丈人若以此稱妻父不知始於何時裴松之宋元嘉時人也其討三國志獻帝舅車騎將軍董承句下云古無丈人之名故謂之舅則其來亦久矣

張燕公泰山

淮南雜識卷三

三

張燕公說爲封禪使厥堦鄭鑑躐遷五品官元宗驚異黃縉綽徐進曰此無他皆泰山之力也後人沿之遂爲婦翁號或云泰山本有丈人峯黃潛筆記引漢郊祀志云大山川有岳山小山川有壻山岳而有壻則大岳可謂婦翁矣世俗稱謂因岳山轉爲泰山耳

丈母

柳子厚祭楊憑文子壻謹以清酌庶羞之奠昭祭於丈人之靈此稱妻父爲丈人之證又有祭獨孤氏丈母文則更稱妻母爲丈母若通鑑載韓滉稱劉元佐之母爲丈母是又女人尊者之通稱

先後

漢書郊祀志見神於先後宛若孟康曰兄弟妻相謂先後
師古曰古謂之娣姒今關中俗呼爲先後吳楚俗呼之爲
妯娌

邱嫂

漢書高祖微時過其邱嫂食嫂厭之陽爲羹盡轅釜註邱
大也轅音勞轆也

糞土息

自稱子曰糞土息出說苑女曰息女出漢書音音思也

女婿稱謂

女婿曰倩出漢書兩婿相謂曰亞江東人呼爲僚婿嚴助
爲友婿所辱註同門之婿也唐書咸安公主下嫁可汗上

淮南雜識卷三

四

書昔爲兄弟今爲半子蘇軾詩王郎非嬌客則婿亦稱嬌
客公羊傳註就親曰綴婿

宗袞

謝朓以謝安爲宗袞其詩曰陪危賴宗袞微管寄明牧

洪支

前漢哀帝紀彫落洪支猶言大族也

宗家

韋賢傳門下生博士義倩等與宗家計議謂同族也

布代

潛居錄馮布少時絕有才幹贅於孫氏其婦翁有煩瑣事
輒曰命布代之故人至今呼婿爲布代

下妻

漢王莽二年有男子遮立國將軍車曰漢氏劉子與成帝下妻子也元后傳多取傍妻公羊莊十九年傳諸侯不再娶何休註所以節人情開賸路

常棣碑

賈敦頤敦實兄弟皆有美跡立碑號常棣碑沈淡弟深沖皆爲御史中丞名譽有優劣人號爲腰鼓兄弟

重臺

婢妾年久而衰退者謂之房長亦曰房老婢之婢曰重臺羊欣書似婢作夫人米芾學欣書高宗謂米字爲重臺

會孫

日知錄曰夢溪筆談喪服但有曾祖會孫而無高祖元孫或曰經之所不言則不服是不然會重也自祖而上者皆會祖也自孫而下者皆會孫也雖百世可也苟有相逮者則必爲服喪三月

娘子

婦人相稱謂無論大小家率云娘子柴紹妻平陽公主起兵於司竹置幕府號娘子軍楊太真入宮宮中呼爲娘子花蕊宮詞諸院各分娘子位韓昌黎有祭周氏二十娘子文夢華錄杭人議親帖子開寫第幾位娘子蓋當時女子在母家卽稱娘子矣霍小玉傳李益呼小玉曰小娘子

快婿

魏書劉昺年十四就郭瑀學瑀有女及笄廣選良耦時瑀有弟子五百餘人通經業者八十餘人乃別設一席於座前謂諸弟子曰吾有一息年向長成欲擇一快婿誰坐此席者昺奮衣來坐而神色肅然瑀遂以女妻之

周文謂尉遲綱曰事平當賞汝佳口謂佳婦也

京房易傳子孫爲寶爻

魏晉間人以父亡爲孤露稽康與山巨源絕交書少加孤露

側室

漢書南粵傳朕高皇帝側室之子師古曰言非正嫡所生非也左傳卿置側室杜解衆子也又趙有側室曰穿

處妾

五行志處妾遇之而孕註處妾宮中之處女

鈿鏤王家

鄭盧李崔皆爲甲族太原王亦四姓之匹而呼爲鈿鏤王家喻銀質而金飾

叔姪亦稱父子

漢疏廣疏受本叔姪也而漢書則云太傅在前少傅在後父子並爲師傅則叔姪亦可稱父子唐房式與房次鄉亦

叔姪也而昌黎作與元少尹房君墓誌敘述房式之言則曰子與吾兒次鄉遊則叔之稱姪亦可云吾兒矣

困學紀聞顏延之曰伯叔有父名則兄弟之子不得稱姪從母有母名則姊妹之子不可言甥且姪甥唯施於姑舅耳雷次宗曰姪字有女明不及伯叔甥字有男見不及從母劉貢父刊二程先生集改姪爲猶子朱文公謂古人固不稱姪亦無云猶子者但云兄之子弟之子而已然呂氏春秋黎邱部有奇鬼焉喜效人之子姪昆弟之狀是先秦已稱昆弟之子爲姪矣

淮南雜識卷三

七

古詩便可白公姥及時相遣歸乃謂舅爲公也晉樂府後來新婦今爲婆乃謂姑爲婆也

八子七壻

唐書郭子儀傳八子七壻皆貴顯朝廷

小茶

元好問詩牙牙嬌女總堪誇學念新詩似小茶註唐人以茶爲小女美稱

昆玉

南史王玠傳子琳娶梁武帝妹有子九人並知名時人以爲玉昆金友釋常談長兄謂之元昆韋賢傳茅土之繼在我俊兄後漢光武紀其布告天下令知忠臣孝子慈兄悌

弟之義薛稷詩令弟與名况高才振兩京儲光義詩哲兄
盛文史出入馳高軌韓浦寄弟泊詩老兄得此全無用助
爾添修五鳳樓晉奉谷內只應命對情風王麟齊焚交關
只使尊君之干儀只弟而肯恩于本志肉不出始得內
稱人父曰尊君亦曰尊大君晉書王述傳坦之言桓溫求
婚述怒排之溫見坦之曰我知尊君不肯耳謝鯤傳溫嶠
謂鯤子尙曰尊大君豈惟識量淹遠再讓九五利人
顧臣長尊老干之稱古稱不肆史人敏登合命服辱李南
南史何子平事母至孝月奉得白米輒貨而粟麥曰尊老
在東不辨米何心獨饗白粲

晉書王小郎

東晉書 淮南雜識卷三

八

晉書王獻之與賓客談議事理將屈謝道韞使婢白曰新
婦欲與小郎解圍

郎君

郎君是貴公子之稱古詩不堪吏人婦豈合令郎君李尙
隱詩郎君官貴施行馬東閣無因得再窺

內兄弟

儀禮喪服篇舅之子鄭氏註云內兄弟也賈公彥疏云內
兄弟者對姑之子外兄弟而言舅子本在內不出故得內
名也按齊陸厥有奉答內兄顧希叔詩唐王維有秋夜獨
坐陵內弟崔興宗詩皆謂舅之子也其以妻兄弟爲內兄
弟者誤於明李獻吉之稱妻弟左國璣爲內弟也

歐陽文稱人曰官
吳人以行次稱人曰官在古已有之駱賓王秋日送尹夫
赴京師序云尹大官三冬業暢指南臺而拾青又秋夜閣
五還澗州詩序云閣五官言返維桑修途走金陵之地通
鑑梁武陵王稱湘東王曰七官疑爲稱官之始

易乾卦九五利見大人此大人主在下說九五利見大人

此大人主在上說所謂大德之人也俱作聖人解論語三
畏章孟子有事君人章亦卽指此漢高祖云始夫人以道
爲無賴霍去病云不早自知爲大人遺體晉陳騫云大
大臣此皆呼其父而疏受叩頭曰從大人議此則呼其叔

淮南雜議卷三

九

范滂云惟大人割不忍之恩此又呼其母

兒無常父

晉書汜毓字稚春濟北廬人敦睦九族時號其家兒無常
父衣無常主

劉瑜三世同居外無異門內無異煙

唐潞州節度使薛嵩青衣紅線號內記室去金刻之

古人於父之昆弟必稱伯父叔父若不言父而但曰伯叔

則是字之而已詩所謂叔兮伯兮叔于田之類皆是也

大夫天子稱諸侯爲伯父叔父
禮天子稱同姓諸侯曰伯父叔父稱其先君亦曰伯父叔父
父左傳景王使詹桓伯辭於晉曰伯父惠公又謂籍談曰
叔父唐叔皆稱其先君爲伯父叔父之證也故禮有諸父
無諸祖

無諸祖

韓昌黎集王適墓志一女憐之必嫁官人
不以與凡子杜甫逢唐興劉主簿劔外官人冷唐時
惟有官者方得稱官人宋乃不然若周密武林舊事所載金四官人以棋著李
大官人以書會著陳三官人以演史著喬七官人以說藥著鄧四官人以唱賺著戴官人
以捕蛇著吳自收夢梁錄

淮南雜識卷三

十

又有徐官人僕頭舖崔官人扇面舖張官人文籍舖傅官人刷牙舖當時殆無不官人者矣

小官人

澠水燕談錄李文定以女妻孫明復孫固辭文定曰吾女不妻先生不過爲一小官人妻先生德高天下幸壻李氏榮貴莫大於此

燕肅稱夫子

夫子之稱始見於尙書攷誓篇蓋武王之所以呵將士也繼又見於小戴禮公叔文子卒一章則又爲君之稱臣矣而左氏一書稱夫子者不一處如子重楚令尹也而稱晉大夫欒鍼曰夫子荀偃魏絳皆晉大夫也而絳之稱偃則

曰夫子向成樂喜皆宋臣也而戍之稱喜則曰夫子季札
吳之公子孫文子衛之出亡臣也而札之稱文子則曰夫
子子皮子產所受政者也而其稱子產則曰夫子師曠晉
之樂師叔向晉大夫也而向之稱師曠則曰夫子又按工
部集如鄭司戶蔡著作鄭補闕韋書記皆其友也而詩中
悉以夫子稱之歷觀諸書似所爲夫子者乃係有位之通
稱近代專以之稱師不知何所本也

齊諧記有失兒女零丁謝承後漢書戴良有失父零丁零
丁今之尋人招子也

淮南雜識卷三

十一

史記秦更民曰黔首朱子註孟子云周言黎民猶秦言黔
首蓋因太史公之語也按祭義云明命鬼神以爲黔首則
內經云黔首共飲食莫之知也二書實先秦出則黔首之
稱不自秦始矣

分姑息

楊用修曰植弓細人之愛人也以姑息注姑且也息休也
其義殊晦尸子紂棄黎老之言而用姑息之語注姑婦女
也息小兒也其義始明胡應麟曰君子愛人以德細人愛
人以姑息二語相對甚明如上言細人下復言小兒婦女
何其複也

阿翁

唐世稱乳媪之夫曰阿翁竇懷貞娶韋后乳媪王氏每有奏自稱皇后阿翁翁集韻籀作參

鄉里夫妻

俗語云鄉里夫妻步步相隨言鄉不離里如夫不離妻也古人稱妻曰鄉里沈約詩曰還家問鄉里詎堪持作夫南史張彪傳曰我不忍令鄉里落他處

比肩人

誠齋雜錄海鹽陳東美妻朱氏有容止夫婦相重寸步不相離時人號爲比肩人後死合葬塚上生梓樹同根二身相抱而合成一樹每有雙雁常宿於上孫權封其里曰比肩

淮南雜識卷三

先生

古者師曰先生曲禮從於先生是也父兄曰先生論語有酒食先生饌是也學士年長者曰先生孟子先生將何之是也先生之稱自論語始老先生之稱自史記賈誼傳始其有止稱曰先而猶言先生者史記鼂錯傳學申韓刑名於軾張恢先所是也有止稱曰生而亦猶言先生者漢書賈生伏生董生之類是也先生之爲義漢書以先醒釋之混施非古也

生日不宜稱誕

詩曰誕彌厥月毛箋誕大也彌終也此詩下有八誕字朱子以誕字爲發語辭今人以生日爲誕日非也

內人

通俗編曰天祿識餘唐女妓入宜春院謂之內人今槩稱妻爲內人非按王建宮詞寒食內人常白打庫中先散與金錢張祐三百內人連袖舞內人已唱春鶯嚶所云似是女妓然此惟唐時爲然前古大不然也周禮內宰會內人之稍食內小臣正內人之禮事闈人幾內人之出入寺人掌內人之戒令典婦功授內人之事齋內豎有祭祀賓客喪紀之事則爲內人蹕凡云內人皆指御女卽天子八十一御妻也平人之妻而上方於天子九御方嫌其過於尊貴翻謂之瀆其妻室乎禮檀弓敬姜言文伯死朋友諸臣未有出涕者而內人皆行哭失聲鄭康成註內人妻妾也可見此稱之通於臣下自春秋時然經文詳備如此顧獨牽或於後世小說乎又世亦稱妻曰內子白居易有代內子賀兄嫂詩考禮雜記內子以鞠衣注內子卿之嫡妻春秋傳趙姬諱逆季隗於狄以爲內子而已下之以此自稱其妻亦覺過於尊貴

鼻祖

方言鼻始也獸之初生謂之鼻梁益之間謂鼻爲初或謂之祖許旌服氣書人受胎於父母其始成鼻畫家畫人亦從鼻始

老丈

搜神記管輅至南陽平原見一少年嗟嘆而過少年曰老

丈有何事嗟嘆則稱丈者老之名也

稱父爲哥

舊唐書王瑀傳玄宗泣曰四哥仁孝同氣惟有太平睿宗行四故也玄宗子棣王炎傳惟三哥辨其罪玄宗行三故也有父之親有君之尊而稱之爲四哥三哥亦可謂名之不正也巳又玄宗與寘王憲書稱大哥則唐時宮中稱父稱兄皆曰哥臣廣管其定國代章宣代氣三平隨曰其定生曰父死曰考臣而韓人之魯曰韓金武殺曰古人曰父曰考蓋也易幹父之蠱有子考無咎書大誥若兄考乃有友伐厥子民養其勸弗救康誥子弗祇服厥父事大傷厥考心酒誥厥心臧聰聽祖考之彛訓尹伯奇履

淮南雜識卷三

霜操曰考不明其心兮聽讒言自曲禮定爲生日父死曰考之稱而爲人子者當有所諱矣遊東前于曲

生而曰諱

生日名死曰諱今人多生而稱人之名曰諱金石錄云生而稱諱見於石刻者甚多因引孝宣元康二年詔曰其更諱詢以爲西漢巳如此蜀志劉豹等上言聖諱豫觀許靖等上言名諱昭著晉書高穎言范伯孫恂恂率道名諱未嘗經於官曹東督勸農賦場功畢租輸至錄社長召問師條牒所領注列名諱曰四晉曰李同廉掛查太平

號曰諡

王褒洞簫賦幸得諡爲洞簫兮李善注諡者號也

漢書女師爲戊姆
劉賓客寄贈小樊詩花面丫頭十三四春來綽約省人事
訂頭之名自唐已然

漢書俊幸傳紅陽侯立嗣子融從清于長請車騎顏師古
注嗣子謂嫡長子當爲嗣者也昌黎劉統軍墓誌子四人
嗣子縱長子元一次子景陽景長又節度使李公墓誌公
有四子長曰元孫次曰元質曰元立曰元本元立元本皆
崔氏出葬得曰嗣子元立與其昆弟請銘於韓氏昌黎所

淮南雜識卷三

五

謂嗣子與漢書正同所謂嫡長子也古人嚴於嫡庶之分
卽此可見
唐人最尙排行詩題中往往見之卽歇後鄭五礪山朱三
後先風氣約略具見然帝王亦有以排行呼入者高祖呼
裴寂爲裴三明皇呼姜皎爲姜七呼宋濟爲宋五德宗呼
陸贄爲陸九前此後此似未見

綽號

今人喜題綽號其來已古如宋王珪之三旨宰相李邦彥
之浪子宰相郭倪之帶汁諸葛亮許及之之屈膝參政由
竇尙書包拯之閻羅天子魯宗道之魚頭參政是也更上

朔之唐之朱邪克用眇一目呼爲獨眼龍周太祖頸有刺
文呼爲郭雀兒源休以蕭何自况呼爲火逼鄼侯郭祚懷
瓜奉太子呼爲黃馱少師南宋王宏短小而起坐端莊呼
爲彈碁八勢晉之史疇體肥呼爲笨伯江泉善飯呼爲穀
伯漢人則有盲子夏小冠子夏之目春秋時皇國父興築
臺之役築者呼爲澤門哲子罕請俟農功之畢築者呼爲
邑中黔國佐杜塞卻柔蕭同叔子之請齊人愛之呼爲賓
媚人華元多鬚謳者呼爲于思此皆綽號之類

唐時宮中稱天子爲宅家唐子西詩宅家喜得調元手亦
稱官家見舊唐書昭宗紀

淮南雜識卷三

夫

身瑞
青史子胎教篇曰古者胎教之道王后有身瑞七月而就
萋室太史持銅而御戶左太宰持升而御戶右

公主

天子之女稱公主自秦始皇也公主之夫稱駙馬自劉宋始
也晉武帝時以宗室外戚爲奉車駙馬都尉元帝時以參
軍掾屬爲駙馬都尉此概授之官未有所專屬也晉時尙
主者爲禁鬱駙馬之名習俗初無此呼也自劉宋永初官
制以尙主者爲駙馬此後非尙主者不概拜此爵矣

唐宋故事書傳所不載者往往於詩中見之杜子美紫宸

殿退朝口號戶外昭容紫袖垂雙瞻御座引朝儀可見唐之外庭以宮人引朝也梅堯臣殿後書事詩天子尋常幸直廬裏頭宮女捧雕輿可見宋之內庭以宮人直輿也此可補唐書宋史禮志儀衛志之所未備也文益貞然器軍

謂晉爲寡男晉昭文弟宮中習和爲太子宋幸海城韓蘭男子喪妻亦可稱寡左傳崔杼生成及疆而寡晉書宋書

謂其間封君晉書昭文弟宮中習和爲太子宋幸海城韓蘭今人稱士大夫之父輒曰封君此名最古史漢屢見之曰富擬封君曰食邑比封君

謂其間封君晉書昭文弟宮中習和爲太子宋幸海城韓蘭女子封侯者漢書多有之後代絕不復見矣漢高祖邱嫂

淮南雜識卷三

七

封陰安侯善相許負封鳴雌亭侯底氏子奚涓死事無子因封其母爲魯侯樊舞陽噲妻呂頽封臨光侯蕭何子祿薨呂氏封何夫人爲鄼侯凡封侯當以武功如晉之朱序母隋之馮寶妻洗夫人唐之柴紹妻平陽公主皆卓卓著勳兵間卒不得封侯何也女子受官者歷代有人魏元義妻何后爲侍中南漢廬瓊仙真拜侍中陳袁大捨唐宋若昭皆爲學士若昭女弟宮中皆呼爲先生宋孝武妃韓蘭英爲博士宮中呼爲韓公晉王廙起兵以女爲貞烈將軍顧深母孔氏年百餘署爲軍司馬五代幽州陳氏之姓名白鷓鴣爲契丹懷化將軍諸如此類皆屬異聞而史傳悉載之

兄妹並擅詞章

古來以兄妹並擅詞章者不少班固之妹班昭左思之妹左芬劉孝綽之妹劉令嫺悉名在史策唐德宗時五宋有女學士之號而兄弟率皆下列當時謂宋廷芳善生女不善生男

衛夫人李夫人

晉李矩妻衛夫人名鑠字茂漪善臨字王右軍師之宋王之才妻李夫人李公擇之妹也封南昌縣君善臨畫文與可贈子瞻著色偃舒李南昌借臨之以示米南宮倉卒不能辨

夫婦貌相類

淮南雜識卷三

十六

唐武宗之王才人纖頰類武宗獵於苑中袍服並馳左右不辨其孰爲帝也張大夫趨走郭汾陽幕下其妻貌極類大夫大夫死冒名役事汾陽不能辨也後改裝再嫁開肆鬻酒食市人猶呼爲張大夫此事見之說部若王才人之貌類武宗則載在正史矣

女子有功經史

易經說卦三篇河內女子獻之尚書二十八篇伏生之女口授鼂錯泰誓一篇又獻自河內女子周禮一書符秦時宋宣文君垂絳帷講授子弟殆百餘人班氏漢書未竟厥業十志大著作率仰成於曹大家之手

男女相詐

男子詐爲女子者北齊武成胡后宮中之尼是也後主至
大后宮中見二少尼色美悅而逼之皆男子女子詐爲男
子者宋明帝時東陽婁逞是也逞官至議曹錄事簿有文
采善奕碁游談公卿間後事露驅令改裝逞乃歎曰如此
伎倆重爲老嫗豈不哀哉事見南北史

文忠公粉侯

宋世以駙馬爲粉侯文及甫抵書邢恕謂駙馬韓嘉彥兄
忠彥爲粉昆益華林其顯五顯中於宋宰階贈迎亦皆
外之鍼神外故魏文帝所幸美人薛夜來妙於鍼功雖處深帷之內不用
燈燭裁製立成宮中號爲鍼神

淮南雜識卷二

九

封贈

封贈之典由來舊矣晉宋及唐不過一代或二代封贈三
代之例自五代始也郭汾陽二十四考中書令其父止贈
太保權德輿位宰相其祖止贈郎中汴宋宰相罷政亦得
封贈程琳罷爲資政殿學士贈父太師中書令是也歐陽
文忠公爲作神道碑詳載之

男女皆跪

玉壺清話太祖問趙普男尊女卑何故男跪而女不跪羣
臣無對者惟王貽孫曰古者男女皆跪至唐則天時始拜
而不跪太祖曰何以爲實貽孫曰古詩長跪問故夫遂得
振學學

佳快

佳快言佳人快士異乎庸流者也顏氏家訓人見鄉里親戚有佳快者使子弟慕而學之

婚姻絕少絕老

漢上官皇后以六歲配昭帝帝時實在童年陳張麗華以兵家女入宮十三歲侍後主十三歲生太子深此絕少者金始祖解完顏兩部之爭完顏部以六十歲未嫁賢女妻之因以青牛爲贈後生二子一女長曰烏魯次曰幹魯女曰注思此絕老者

諱名

晉人避其君名猶不避嫌名康帝名岳鄧岳改名嶽唐初

淮南雜識卷三

三

不避二名太宗時猶有民部尚書李世勣虞世南皆不避也至高宗卽位始改民部爲戶部時世南已卒世勣去世字二名始偏諱矣

諱祖父名

王介甫父名益所著字說中無益字蘇子瞻祖名序爲人作序文皆用敘字復以爲未安遂改爲引而易字序爲字說張芸叟父名蓋表中茲蓋伏遇改爲茲乃

歛衽

戰國策江乙謂安陵君曰國人見君莫不歛衽而拜留侯世家陛下南面稱霸楚君必歛衽而朝皆指男子也今稱女拜爲歛衽不知始於何時

女狀元

十國春秋黃崇嘏好男裝以失火繫獄邛州刺史周庠愛其丰采欲妻以女乃獻詩云幕府若容爲坦腹願天速變作男兒庠驚召問乃黃使君女也幼失父母與老嫗同居命攝司戶參軍已而乞罷歸不知所終世俗訛稱女狀元者以其獻詩時自稱鄉貢進士故也

化男

觚賸荊州馬洋潭有黃姓者樸老而鰥獨爲鄉塾師一女名嗣姑生有慧質幼在塾隨父讀書年十四自繡白衣大士縣之室中禮供甚虔一夕忽夢大士呼而語之曰汝父周鄉里善人敷宜有子其奈年老何我欲以汝子之因徧

淮南雜識卷三

三

撫其體啖以紅丸甫下嚙覺有熱氣如火從胃臆下達兩股間迷眩者七日欬然而起則已化爲男子矣先是翁以嗣姑許字同里譚姓因往告以此異譚怒詬妄鳴於官質驗果真乃解婚四方觀者雲集康熙丙辰初夏渭川孫靜庵適過其地亦造門請見嗣姑冠履出迎黛粉之痕未消瑣猶在耳也孫有句云夢中變化真奇創紅顏忽作男兒相卻却羅衫蝴蝶裙博帶寬衣相揖讓見人低首尙含羞珠囊小髻烏蠻樣

年少狀元

宋王拱辰本名拱壽仁宗改爲拱辰舉進士第一年十九汪應辰本名洋高宗改爲應辰舉進士第一年十八

牡丹狀元

隨園詩話前朝四川黎美成少年玉貌在揚州賦黃牡丹詩某宗伯品爲第一人呼爲牡丹狀元花主人鄭超宗故豪士也用錦輿鼓吹擁狀元遊廿四橋士女觀者如堵還歸粵中郊迎者千人姜成被錦袍坐畫舫選珠娘之麗者排列兩行如天女之擁神仙相傳有明三百年真狀元無此貌亦無此榮也其詩十章雖整齊華瞻亦無甚意思惟窺浴轉愁金照眼割盟須記赭留衣一聯稍切黃字後美成終不第陳文忠薦以主事監廣州軍死明亡之難其絕命詞云大地吹黃沙白骨爲塵煙鬼伯舐復厭心苦肉不甜一時將士爲之隕涕

淮南雜識卷三

三

梁灝得第年歲

程政敏遜齋閒覽梁太素八十二歲狀元及第其謝啟云白首窮經少伏生之八歲青雲得路多太公以二年按宋史梁灝卒年九十二考其得第之年應七十四歲而洪邁筆記則云梁太素以雍熙二年廷試甲科景德元年知開封府暴卒年四十二子固亦進士甲科卒年三十三容齋博物君子所引國史當有堅据元順帝時揭傒斯之屬重修宋史或誤襲遜齋之說竄易舊史耳

狀元不必第一名

唐鄭谷登第後宿平康里詩曰好是五更殘酒醒耳邊聞喚狀元聲按谷登趙昌翰榜名次第八非第一也周必大

有回姚狀元穎啟回第二人葉狀元適啟回第三人李狀元寅仲啟是當時新進士皆得稱狀元矣探花不必第三名天中記唐進士杏園初會使少俊二人探花遊園若他人先折名花則二人被罰蔡寬夫詩話云故事進士朝集擇年少者爲探花使是探花者年少進士之職也李燾長編載陳若拙中進士第三名以貌陋人稱瞎榜蓋宋以第三名爲榜眼亦探花不必第三名之證

唐人進士榜必以夜書書必以淡墨或曰名第者陰注陽受以淡墨書者若鬼神之迹也世傳大羅天放榜於蕊珠宮故又稱蕊榜李義山詩因記大羅天上事衆仙同日咏

寬裳又放榜後必有一人下世者謂之報羅使

粉袍

唐人士子入試皆著白衣故有白袍子何太紛紛之語宋時亦然再居常詩粉袍切勿笑冬烘且踏燒殘鼠尾蹤

頭腦冬烘

唐鄭薰主文誤謂顏標乃魯公之後卽以標爲狀元謝日問及廟院標曰寒峻未嘗有也始知誤取或嘲曰主司頭腦太冬烘錯認顏標作魯公

天中燒尾

封演聞見記士子初登榮進及遷除朋僚慰賀必盛置酒饌音樂以展懽宴謂之燒尾說者有虎變爲人惟尾不變

須爲燒除乃得成人一云新羊所觸不相親附火燒其尾則定貞觀中太宗嘗問朱子奢子奢以新羊事對

行卷

新科刻稿謂之行卷其名起於唐代唐人舉進士爲絨軸錄其所著以獻主司名曰行卷

狀元詩識

黎狀元涪初膺鄉薦至京師將禮部會試時盤礴閒聞酒樓上有婦人喚其名舉頭視之則角妓也乃知爲同輩所啐於是登樓吟自千里遨遊赴帝京忽聞樓上喚黎淸狀元自是天生定先遣嫦娥報我名已而果然

起復

淮南雜識卷三

三

錙續霏雪錄起復者喪制未終免情任用所謂奪情起復也如歐公晏元獻神道碑丁父憂去官也而眞宗思之卽其家起復及史嵩之喪父經營起復是也今人不攷例以服闋爲起復誤矣

三年喪爲二十七月

禮記三年問曰三年之喪二十五月而畢檀弓曰祥而縞是月禫徙月樂王肅云是祥之月而禫禫之明月可以樂矣又曰魯人有朝祥而暮歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也喪服小記曰再期之喪三年也公羊傳曰三年之喪實以二十五月孔安國書傳太甲篇曰

湯以元年十一月崩至此二十六日三月服闋鄭玄謂二
十四月再期其月餘日不數爲二十五月中月而禫則空
月爲二十六日六月出月禫祭爲二十七日與王肅異

何休注公羊傳言魯文公亂聖人制欲服喪三十六日人

封爵有非國非邑非國晉其封官舍封義侯陳事也焚
君武帝封車千秋爲富民侯光武封卓茂爲褒德侯隋煬
帝封樊子蓋爲濟公唐高祖封楊大寶爲節義侯宋朝封
楊祥爲至孝公封李誠之爲正節公封秦鉅爲義烈侯是
也封爵有非國非邑而加以惡名者漢高封劉信爲誦羹

淮南雜識卷三

三

侯光武封蒼頭子密爲不義侯元魏文帝封苻承祖爲佞
濁子宋太祖封李煜爲違命侯劉鋹爲恩赦侯是也至如
陳平之封曲逆侯劉昆之封挾術侯則封邑而鄰於惡名

梅香寶臬

歸田錄梅學士詢喜焚香其在官舍每晨起將視事必焚
香兩鑪以公服單之撮袖以出坐定撒袖郁然滿室時人
謂之梅香寶元寶爲館職有文行經時未嘗沐浴時人謂
之寶臬

伏波將軍

伏波將軍有八後漢新息侯馬援最著其爲前漢邳離

侯路博德其一爲三國魏將夏侯惇其一爲陳時嶺南酋帥鍾士雄其一爲晉虞瑤其一爲葛洪攻庾冰別帥破之其一爲後秦索菱見其兄索泮傳其一爲周處隸夏侯駿西征將軍善論愚昏王瑜博善論汎音五百官官爵之
漢石奮號爲萬石君後漢馮揚有子天人皆爲二千石趙魏間榮之亦號曰萬石君又秦襲與羣從同時爲二千石三輔號曰萬石秦家又有稱萬石姬者嚴延年兄弟五人皆有吏材至大官東海號曰萬石嚴姬官全人以嚴輝爲

唐朝人得罪貶竄遠方遇赦改近地謂之量移舊唐書元

淮南雜識卷三

三

宗紀大赦天下左降官量移近處白居易貶江州司馬自題云一旦失恩先左降三年隨例未量移及遷忠州刺史又云流落多年應是命量移遠郡未成官今人以遷職爲量移誤矣萬石秦家又存蘇詩不取香蠟蝦蟇只策五人
孔平仲談苑選曹授官先列舊官次書擬官使新舊相銜故曰官銜良園識小錄家語禮運篇官有銜職有序注銜治也執轡篇善御馬者正銜勒善御民者正百官官銜之名本此

唐幕府官俸謂之鶴料皮日休詩酒坊吏到常相見鶴料

符來每探支

入座

通典職官漢以六曹尚書并一令一僕爲八座魏以五曹一令二僕射爲八座隋唐以左右僕射六尚書爲八座杜詩有起居八座太夫人句今指乘八人輿者曰八座不見典記南史齊宗室傅江夏王寶元與崔慧景應乘八座輿至都此則當時天子所乘

太守曰五馬

漢官儀四馬載車惟太守出則增一馬故稱太守曰五馬程氏演繁露以爲始於詩良馬五之南史柳元策傳兄弟五人同爲太守各乘一馬出入時人榮之號柳氏門庭五馬委蛇固不一其說矣

淮南雜識卷三

三

黃堂

孫覲尺牘曰蘇郡太守之堂數因失火以雌黃塗而禳之故曰黃堂後天下盡稱之非也

監州

宋初置通判分知州之權謂之監州有錢昆者性嗜蟹常求外補曰但得有蟹無監州處則可見歸田錄

刺史太守不同

升庵外集刺史太守不同今混呼爲一非也觀後漢郡國志可見矣漢制自三輔之外分九州九州控郡國州部有刺史郡國有太守如豫州刺史部則潁川汝南六郡國冀

州刺史部則魏郡而下九郡國則太守治之州部則自河
南京兆兩尹至豫冀兗徐青荆益梁并幽交爲天二刺史
十一而已郡國則自河南至日南爲郡國凡一百十有二
太守亦百十有二嚴能鷹揚有督察之才刺史之職也安
靜寬仁有豈弟之德太守之職也

南史陸徽九絳州綱三端府職皆指幕官也六朝稱府幕
曰府端州幕曰州端節度幕曰節端憲司幕曰憲端

褚亮詩彤騶出禁中蓋五伯戴紅帽以唱騶自唐已然矣
宋人和甲科雜騶歸第曰黃榜開天上彤騶出禁中本褚

淮南雜識卷三

亮句也
漢書漢建尙書百官府名曰南宮蓋取天上南宮太微之
象今惟禮曹得稱南宮何也

分甲第自興國八年王世則榜始御殿唱名賜宴自雍熙
三年梁灝榜始給金吾衛士送歸第自蔡齊榜始刻登科
錄自霍端友榜始

秀才

趙武靈王曰俗辟民易則是吳越無秀才也秀才之名始
此後再見於賈誼傳六朝遂以此爲取士之科名云

帝爲還債

李壽長編載宋眞宗爲李沆還債三十萬故宋人詩云新
祠民祭祀舊債帝償還

百篇科

唐有日試百篇宋太平興國五年趙國昌應百篇科自陳
求試上親出五言四句曰松風雪月天花竹鶴雲煙詩酒
春池兩山僧道柳泉凡二十字爲五篇率四韻至曉僅成
數十首特賜及第紺珠所載如此中吳紀聞却作孫奭詩
時號曰孫百篇

科目

唐制取士之科有秀才有明經有進士有俊士有明法有

淮南雜識卷三

五

明字有明算有一史有三史有開元禮有道舉有童子而
明經之別有五經有三經有二經有學究一經有三禮有
三傳有史科此歲舉之常選也其天子自詔曰制舉如姚
崇下筆成章張九齡道侔伊呂之類見於史者凡五十餘
科故謂之科目

周始立后

白虎通曰天子之配商之前皆稱妃周始立后今攻帝譽
四妃帝舜三妃以至周初太姜太任太姒邑姜皆無后名
而詩書所云后皆君也春秋桓八年祭公來遂逆王后於
紀襄十五年劉夏逆王后於齊於是始稱后曲禮天子有
后有夫人有世婦有嬪有妾有妻又曰天子之妃曰后而

宣王晏朝姜后脫簪見於列女之傳此周人立后之據惟左傳哀元年后緡方娠是夏時事疑此後人追稱之辭自春秋以下之文則有以君爲后者以妃爲后者雜然於書傳矣

明廷

唐人稱縣曰明府漢人謂之明廷見張儉傳其稱太守則曰明府見龔遂傳又京兆尹亦稱明府見孫寶傳

南床

臺中僉聚則侍御史於座南設橫榻號南床又曰癡床言登此床者倨傲如癡也

試兒

淮南雜識卷三

三

顏氏家訓江南風俗兒生一晷爲製新衣盥浴裝飾男則用弓矢紙筆女則用刀尺緘縷竝加飲食之物及珍寶服玩置之兒前觀其發意所取以驗貪廉愚智名之爲試兒

破瓜

古樂府碧玉破瓜時蓋將瓜縱橫破之成二八字作十六歲解也李羣玉詩碧玉初分瓜字年此其證矣

傳席

芥隱筆記輟耕錄俱云新婦至門則傳席以入弗令履地唐人已然白樂天春深娶婦詩云青衣捧氈褥錦繡一條

斜

噫噴

俗說以噫噴爲人說我詩曰寤言不寐願言則噫鄭箋今俗人噫云人道我此古之遺語漢有噫噴耳鳴雜占十六卷東坡詩曉來噫噴爲何人

甘羅非秦相

史記甘羅者甘茂孫也茂旣死甘羅年十二事秦相文信侯呂不韋後因說趙有功始皇封爲上卿上卿非丞相也杜牧詩甘羅昔作秦丞相則其誤久矣

木公遇文王年歲

荀子文王舉太公於州人而用之行年七十有二東方朔客難亦然孔叢子太公勤身苦志八十而遇文王楚詞太公九十乃顯榮越絕書太公九十而伐紂說苑太公七十

淮南雜識卷三

三

而相周九十而封齊

周倉不見史傳

關帝廟中皆塑周將軍其名不見於史傳考元魯貞漢壽亭侯廟碑有乘赤兔兮從周倉之句則其來已久

苜蓿非學博

唐開元中東宮官僚清淡薛令之爲左庶子以詩自悼曰朝日上團團照見先生盤盤中何所有苜蓿上闌干蓋是東宮詹事等官非今之學博也

行李是使人

日知錄古者謂行人爲行李亦曰行理左傳行李之往來其其乏困又曰亦不使一介行李告於寡君又曰行李之

命無月不至國語國賓至關尹以告行理以節逆之賈逵曰理吏也小行人也今誤以行李爲作客之行裝

使者曰信

晉武帝炎報帖云故遣信還南史晨起出陌頭屬與信會真誥云公至山下又遣一信見告謝宣城傳云荊州信去倚待陶隱居帖云明且信還仍過取反虞永興帖云事以信人口具凡言信者皆謂使者也古樂府有信數寄書無信心相憶包佶詩去札頻逢信迴帆早挂空此二詩尤可

證

雁戶

唐書編民有雁戶謂流民也

淮南雜識卷三

三

穆姜特諡

婦人皆從夫諡而穆姜乃特諡觀其致女論詩之言蓋有才智之哲婦也文姜亦特諡

婦人匹夫有諡

蘇老泉云婦人有諡自周景王之穆后始匹夫有諡自東海漢隱者始宦官有諡自東漢之孫程始蠻夷有諡自東漢之莎車始然魯聲子之諡卽婦人之諡也不始於穆后矣黔婁之諡卽匹夫之諡也不始於東漢矣

婦人行狀

南史江淹建太妃周氏行狀此婦人稱行狀之始

男子亦稱上頭

婦人有冠俗稱上頭梁簡文詩婉婉新上頭湔裙出樂遊
庾肩吾詩故年齊總角今春半上頭花蕊宮詞年初十五
最風流新賜雲鬟使上頭然考南史孝義傳華寶八歲父
成往長安臨別曰須我還爲汝上頭長安陷父不歸寶年
至七十猶不冠是男子亦可稱上頭矣

大夫可稱佳人女子亦稱良人

後漢尚書令陸閎姿容如玉威儀秀異光武常登臺見之
曰南方故多佳人苻秦時竇滔妻蘇蕙璇璣圖詩讀者不
能盡通蘇氏嘆曰徘徊宛轉自成文章非我佳人莫之能
解則妻稱夫曰佳人矣詩唐風綢繆篇子兮子兮如此良
人何毛傳云良人美室也則夫亦稱妻曰良人矣

淮南雜識卷三

三

人拍手唱喏

俗名唱喏始於江左惟王氏子弟爲之古所謂揖舉手而

已出老學庵筆記

大戶

王悅每醉連日不醒自號上頓白少傅以席間健飲客爲

大戶

手民

清異錄木匠總號手民

同年同門

同登科者謂之同年此名尙矣唐元義方曲媚吐笑承瓊
李絳惡之出爲外吏義方入謝奏李絳私其同年許季同

憲宗因謂絳曰人於同年有情乎同年字面盛行唐代然不自唐始也漢同舉孝廉者謂之同歲同歲即同年也魏武故事已亥令中凡兩見之同門亦始於漢後漢書張繡傳光武與張充同門學前漢孟喜傳亦先有同門字面古詩昔我同門友高舉振六翮

三鳳三儀

唐人謂中書舍人爲小鳳翰林學士爲大鳳丞相爲老鳳蓋以中書省有鳳池也又謂儀部之長曰大儀員外曰中儀主事曰小儀見鄭谷集

少穎晚成

人亦有言晚成多駿業少穎無隆功漢公孫宏廷對第一

淮南雜識卷三

三

年已八十矣拜相封侯卒爲漢朝一代名臣隋公孫景茂授刺史時年已七十餘矣治行屢最名在循良之傳此二人者所謂晚成也宋蔡伯侁三歲應薦真宗授秘書正字歷州郡至八十以列卿致仕食祿七十七年而無可紀孝宗朝呂嗣興四歲授右從政郎皇孫榮國公伴讀後亦無聞此二人者所謂少穎也雖然李長源之童年應詔寇平仲之弱冠登科則無嫌於少矣蘇房公之干進不休馮瀛王之癡頑自命則徒黠其老矣

女子小人

女子小人從來爲天下國家之禍間有受女子小人之利者晉重耳一人始奔狄則遇季隗甯就木而不嫁旣而之

齊則遇姜氏殺采桑之女以杜口既而之曹則遇僖負羈之妻贈以殮璧既而之秦則遇懷嬴降服待囚終得三千紀綱之僕何所遇婦人之多幸也寺人披斬祛里鳧須臾藏先事上變卒得其濟何所遇小人之多幸也齊桓公大不然易牙豎刁開方三小人在其朝六如夫人在其宮而尸蟲流於戶外矣附一事良惡史爲釋而本朝中不備

毫錐

唐之元白才傾一時兩人同習制科釐集策林分爲四卷其類凡七十五門其數至百未各有纖鋒細毫筆攜以就試相顧輒笑目爲毫錐樂天中第之後寄微之詩所云策目穿如札毫鋒銳若錐是也

淮南雜識卷三

三

能文不幸

文園買賦於長門擅通宮掖子雲草元於祿閣喪志美新馬扶風曲承梁冀之歡草名於西第陸放翁驟懾侂胄之勢撰記於南園此能文之不幸也

陳蕃下榻有二事

陳仲舉設徐孺子榻一事見范史徐穉傳而本傳中不載惟云蕃爲樂安太守郡人周璆字孟玉高潔之士前後郡守招命莫肯至惟蕃能至焉字而不名時爲置一榻去則收之如此則陳蕃下榻蓋有兩事在豫章則不徐穉之榻在樂安則下周璆之榻矣涑水通鑑弟書徐穉而不及周璆王子安滕王閣序尤膾炙人口今人知徐穉者多而不知

周璆者少殆以此歟
方三拜朱萬拜
王文弁秦東園註云秦飛彭下太
唐處士方干每拜必三人謂之方三拜宋朱浚爲淮東提
刑進劄子於賈似道必稱萬拜人謂之朱萬拜

兩絳帳

古有兩絳帳馬融在高堂施絳紗帳前授生徒後列女樂
見後漢書苻堅幸太學韋逞母宋氏能傳父業得周官音
義就宋立講室書堂生徒百二十人隔絳紗幔而授業焉
見十六國春秋

論癡符

馬令南唐書和凝自刻文集百餘卷時號論癡符三字出

淮南雜識卷三

三

顏氏家訓吾見世人至無才思自謂清華流布醜拙者亦
以衆矣江南號爲論癡符

兩東萊兩西山

宋有兩東萊先生一呂居仁一呂祖謙也有兩西山先生
一蔡元定一真德秀也

兩韓國

武后姊封韓國夫人見嬖於高宗楊貴妃姊封韓國夫人
見嬖於元宗

秦復陶

左傳楚靈王攻於乾谿王皮弁秦復陶注云秦所遺羽衣
也及觀絳縣之老趙武使助爲政辭以老子之田使爲君

淮南雜識卷四

鎮洋聞益 省謙編

寶臣

前漢哀帝時建平侯杜業薦朱博曰誠國家雄俊之寶臣也

太先生

何氏語林元次山祖元亨卒門人私謚曰太先生

尊公

晉書簡文帝紀邠超請省其父帝曰致意尊公志士痛朝危忠臣哀主辱

太翁

淮南雜識卷四

一

南史齊廢帝鬱陵王紀高帝方令左右拔白髮問之曰兒言我誰耶荅曰太翁高帝笑曰豈有爲人作曾祖而拔白髮者乎卽擲鏡鑷

小賤

史記趙高曰高素小賤

鉅公

漢書郊祀志一父老言吾欲見鉅公鄭氏注鉅公天子也

座主

貢舉之士以有司爲座主而自稱門生張籍寄蘇州白使君詩云登第早年同座主

小門生

五代史裴皞知貢舉馬裔孫桑維翰皆出門下後裔孫知貢舉放榜後率新進士謁謝于裴裴懼宴作詩曰宦途最重是文衡天與愚夫作盛名三主禮闈今八十門生門下見門生一時以爲榮裴皞孫益之將終爲高延福養于高改姓云李裴本姓高李合左師李耳本姓理因理徵逃難食木子而生故改爲李合左師本姓高因向戌合諸侯故改爲合莽何羅本姓馬以觸瑟之逆故明德馬后改爲莽嚴子陵本姓莊以犯明帝諱故史官改爲嚴車千秋本姓田以乘小車至殿上人謂之車丞相故改爲車衛青本姓鄭以衛媼生子夫入宮見幸故仍爲衛胡廣本姓黃以生於五月五日其家置囊投之河

淮南雜識卷四

二

胡父得而養之故改爲胡是儀本姓氏孔融以氏字爲民無上故改爲是謝服本姓射以出征故改爲謝稽叔夜本姓奚因居稽山而愛之故改爲稽苻堅本姓蒲以草付之讖故改爲苻齊東昏潘妃本姓俞名尼子以宋文帝潘淑妃尚寵三十年故改爲潘員半千本姓劉以其十八世祖疑自以忠直似伍員故改爲員元載本姓景以父收元妃租故冒改爲元李元紘本姓芮以曾祖祭與唐高祖善故賜姓李高力士本姓馮係馮益之孫後爲高延福養子故冒姓高陶穀本姓唐以父避石晉之諱故改爲陶文潞公本姓敬或以爲敬翔之後諱莫如深故改爲文喻樗本姓愈以十六世祖愈藥梁武帝賜姓喻故改爲喻葉夢鼎本

姓陳陳待聘之子也以出後於母族故改爲葉姬端修本
姓宗金章宗以犯睿宗之諱而易之故改爲姬至於京房
姓京陸羽姓陸或得之吹律或得之筮易又不在改例矣
以姓爲名

仙女謝自然學道時羣仙降其室有姓崔名崔姓杜名杜
者光州樂安縣黃山上有僕僕先生自言姓僕名僕

長流

顏氏家訓或問曰何故名治獄參軍爲長流乎答曰帝王
世紀云帝少昊崩其神降於長流之山於祀爲秋山海經
流作雷

絳樹黃華

淮南雜識卷四

三

嫫媿記云絳樹一聲能歌兩曲二人細聽各聞一曲一字
不亂人疑其聲在鼻竟不測其何術時有黃華者雙手能
寫兩牘或草或楷揮毫不輟各自有意

奉敕陋

宋袁應中博學而貌寢紹聖中蔡元度引之哲宗一見連
稱太陋荐紳目爲奉敕陋

奇俊王家郎

王迥美姿容爲狎邪輩所誣播入樂府卽六么所歌奇俊
王家郎是也元豐中蔡持正荐之神宗忽云此乃奇俊王
家郎耶持正叩頭謝罪

白張二女

白太傅女金鑾十歲忽書北山移文樂天方買終南紫石
欲開文士傳遂輟而錄之張芸叟久經遷謫快快不平嘗
內集分題賦詩其女得蠟燭詩云莫訝泪頻滴都緣心未
灰芸叟有慚色自是無復躁意

齊唐羣臣効伎

齊高祖曲宴羣臣數人各効伎藝褚淵彈琵琶王僧虔彈
琴沈季文歌子夜張敬兒舞王敬則拍張王儉曰臣無所
解惟知誦書因跪上前誦相如封禪書唐景龍中宗引
近臣宴集令各獻伎爲樂張錫爲談容娘舞宗晉卿舞渾
脫張洽舞黃麕杜元炎誦婆羅門咒李行言唱駕車西河
盧藏用效道士上章郭山暉誦鹿鳴蟋蟀兩篇未畢李嶠

淮南雜識卷四

四

以中有好樂無荒之句止之二事並同

司馬遷女

司馬遷有女不甚顯惟見楊惲傳中曰惲母司馬遷女也
楊惲父敞爲丞相大將軍霍光遣田延年與議廢立事楊
丞相懼不敢對延年起更衣夫人力勸敞許之延年來夫
人因參語許諾則廢昌邑立宣帝者司馬夫人之力也楊
丞相何功焉非此父不生此女而班氏不著其姓惟於子
傳一見之使龍門之女不與班大家並光爲可恨也蔡邕
有女甚顯及以晉書羊祜傳攷之則中郎之女不止文姬
一歸董氏一歸羊氏失節之婦偏爲立傳叔子之母不著
號名此亦史官之失也

芳林十詒
唐沈雲翔十人交通中貴號芳林十詒芳林門名由此入
內人

長短人

宛委餘編載古來長短人最悉劉曜子稍十歲長七尺五寸苻堅時有申香夏默護磨那俱長一丈九尺爲拂蓋郎鄭麟國長狄僑如長三丈一云五丈犯魯爲叔孫得臣以戈搯喉而死蔡謨外親王蒙長三尺潁川張仲師長二尺二寸又論衡云長一尺二寸周達觀誠齋雜記云李子昂長七尺按左傳載得臣事止云追而獲之至於以戈搯喉者乃富父終甥非叔孫得臣也此屬弇州記事之誤又十

六國春秋夏默乞活人爲左鎮郎護磨那胡人爲右鎮郎申香奄人爲拂蓋郎非三人盡爲拂蓋也三人俱長一丈八尺或云一丈二尺

肥重

弇州說部云人之肥重者安祿山稱三百五十斤馬保八百斤至孟業千斤極矣業嘗爲幽州督辭晉武帝帝稱之果得千斤唐書安祿山腹重三百五十斤

名不雅馴

古人名不雅馴者如傅豎眼楊大眼之屬猶曰拓拔之臣固然至如張敬兒原名狗兒馬仙埤原名仙婢董仲舒原名蠻江左風雅之地亦然是不可解雖然周代右文黑臀

黑要黑肱之名豈不發粲

人奴著名

西漢衛青以人奴位大將軍東漢李善位太守晉熊遠祖

熊翹爲石崇蒼頭廉直有士風潘岳重之隋梁士彥家僮

梁默積戰功至上柱國楊素之僕殷胄善草篆鮑亨善屬

文唐平陽公主家奴馬三寶同起兵司竹園積功至右武

衛大將軍拜新興縣公蕭穎士僕愛主博雅屢答不去渾

瑊小僮高固本名黃岑以戰功封渤海郡王南唐何敬洙

碎主人愛視以烏獲全後爲節度使

不識字

古來有不識字而能讀書者石勒是也勒使人讀漢書至

酈食其勸立六國後勒驚起以爲此法當失及張良借箸

趣銷印勒曰賴有此耳有不識字而能作書三國志王平

後周書梁臺是也王平所識不過十字梁臺所識不過百

字口授書指詞令可觀有不識字而能作詩者南宋沈慶

之梁曹景宗是也沈慶之每將署事輒恨眼不識字偶語

次及古人便有沈公乃更學問之請宋主宴羣臣逼令作

詩慶之請顏延年執筆口授之曰微生遇多幸得逢時運

昌朽老筋力盡徒步還南岡辭榮此聖世何如張子房曹

景宗旨不知書好以意作字及當公宴賦詩景宗以武人

不蒙賜韻乃固請不已僅餘競病二字卽賦云去時兒女

悲歸來笳鼓競借問路行人何如霍去病又有無目而能

識字者隋章仇太翼病盲以手摸書而知其文

四皓姓名

陳留志東園公姓唐名秉字宣明襄邑人夏黃公姓崔名廓字少通齊人隱居夏里修道故號夏黃公綺里季姓朱名暉字文季角里先生河內軹人秦伯之後姓周名術字元道號霸上先生

穆修楊萬里

宋史張知自守亳州有豪士作休廟成知自使人召穆修作記記成不書士名士以白金五百遺修求載名於記修投金庭下趣裝歸郡士謝之終不受且曰吾寧糊口爲旅人終不以匪人污我文也韓侂胄用事欲網羅四方知名

淮南雜識卷四

士嘗築南園屬楊萬里爲之記許以掖垣萬里曰官可棄記不可作也侂胄怒改命它人萬里臥家十五年

解百物語

介葛盧詹何知牛語一出左傳一出韓子翁偉李南知馬語一出論衡一出抱朴子沈會照知虎語出南史王喬知鳥語有解鳥鳴經管輅知鳩語出三國志注張子信孫守榮知鵲語一出北齊書一出宋史神速姑知地語出遼史晉書佛圖澄聞輪音而曉羯言聽鈴鳴而識凶問尤爲怪事

紀年

紀年之號必擇正大光明之字少有疑似卽不用也如淳

熙之淳先用純字人言屯字在旁遂不用也唐德宗以建
中興元之亂思太宗貞觀明皇開元之治故改元爲貞元
宋孝宗卽用以爲故事如隆興則取建隆紹興乾道則取
乾德至道若永樂乃涼張重華南唐賊張遇賢宋賊方臘
年號天順亦金賊楊安兒元阿速急八年號正德則西夏
李乾歸年號天啟亦陳永嘉王莊魏賊徐州元法僧年號
何無一人記憶及此也賈無傳而并史齊魯齊金又見之

梁書論三字至六年號王樞張道長忠刺誓無壽而南
年號止二字耳北魏始有四字年號如太平真君是也至
梁武帝始有三年號如中大通中大同之類是也若夫
武則天之萬歲通天宋太宗之太平興國眞宗之大中祥

淮南雜識卷四

八

符徽宗之建中靖國要皆祖拓拔餘智耳至於西夏年號
有至六字者如李秉常之天賜禮盛國慶是也可發一槩

書史立傳

蘇轍言四字年號破太平眞君是也至

梁書無傳而南史有傳者王琳張彪是也陳書無傳而南
史有傳者陳暄是也魏書無傳而北史有傳者念賢以及
乙弗朗六人是也魏書有傳而北史無傳者高湖諸傳是
也後齊書無傳而北史有傳者彭樂是也一人而南齊書
與北魏書並有傳者裴叔業是也一人而南史與北史並
有傳者蕭綜是也故事城劉興限車張劉驥典童鼓限

中興元先輩

思太宗貞觀明皇開元之治故改元爲貞元

文中子謂房杜及魏徵曰先輩雖聰明特達要非董薛程

仇之比王凝知貢舉放司空圖第四人凝謂衆曰某叨忝
文柄今日榜帖爲司空先輩一人蘇子瞻與李方叔書呼
爲先輩方叔實出蘇公門下然則古人以先輩爲後輩之
通稱猶今人之推獎少年稱爲名宿也

奇勇異力

北魏楊大眼往求典選尙書李冲不許大眼曰尙書不見
知聽下官出一技便出長繩三丈許繫髻而走繩直如矢
馬馳不及見北魏書北齊高祖嘗閱馬於北牧道逢暴雨
大雷震地前有浮圖一所高祖令薛孤延視之孤延乃馳
馬按稍直前未三十步電燒及面唱殺遼浮圖走火遂滅
脣鬢及馬駢尾俱焦高祖歎曰薛孤延乃能與霹靂鬥耶

淮南雜識卷四

九

見北齊書隋大業中沈光從帝攻遼東以衝梯擊城竿長
十五丈光升其端賊競擊之而墜未及於地適遇竿有垂
絙光接而復上後遊禪定寺寺有旛竿高十餘丈絕非人
力可及諸僧患之光見而謂僧曰可持繩來當相爲上耳
諸僧驚喜光以口銜索拍竿而上直至龍頭繫繩畢手足
皆放透空而下以掌拒地倒行數十步觀者駭悅莫不嗟
異時人號爲肉飛仙權武拳勇絕人嘗倒投於井未及泉
復躍而出並見隋書

銅面將軍

狄武襄出入行陣閒恒戴銅面具

鐵肝御史

錢顛同劉述劉琦劾奏王安石因而貶逐顛假貸親知以給朝晡怡然無謫官之色蘇子瞻贈以詩曰烏府先生鐵作肝人目爲鐵肝御史

前後同一年號

唐高宗改元上元肅宗復稱上元元世祖改元至元順帝復稱至元

救火四事

東漢方術傳郭憲於光武建武七年從駕南郊憲在位忽面向東北含酒三溼執法奏爲不敬詔問其故答曰齊國失火故以此厭之後齊果上火災與郊同日樊英隱於壺山之陽嘗有暴風從西北起英謂學者曰成都市火甚盛

淮南雜議卷四

十

因含水西向溼之乃令記其時日客後有從蜀來云是日大火有黑雲猝從東起須臾大雨火遂得滅神仙傳樂巴爲尙書正朝大會巴獨後到又飲酒西南溼之有司奏巴不敬有詔問巴巴頓首謝曰臣本縣成都市失火臣故因酒爲雨以滅火不敢不敬詔卽以驛書問成都答言正旦大失火食時有雨從東北來火乃息雨皆酒臭晉書佛圖澄嘗與石季龍升中臺澄忽驚曰變變幽州當失火乃取酒溼之久而笑曰救已得矣季龍遣驗幽州云爾日火從四門起西南有黑雲來驟雨滅之雨亦頗有酒氣四事正同

人現蛇形

晉杜預醉嘔吏人窺之見一大蛇張口咯咯向外而吐宋魚周詢醉而假寐園吏見一大蛇垂欄楯上熟視之乃周詢也元何寔依叔父居家人入其臥內見一青蛇蜿蜒衣被中駭而視之乃知爲寔三事並奇

懸莎貼梅

豆盧寧善射百步之內懸莎草以射之無不應弦而落見北周書柳惲善射百步之內貼梅花以爲的無不命中見南史

倒用印有二

古來倒用印者凡有二段秀實倒用司農印以遏朱泚之逆謀周太祖倒用留守印以禦李鄴之毒釵

改字

淮南雜識卷四

十一

秦始皇以臯字似皇字乃改臯爲罪漢文帝以對字從口責對而人多不以誠乃改口從士王莽以疊字三日太盛乃改三田爲疊漢明帝以洛字從水漢家火德所忌乃改洛爲雒宋明帝以駟字似禍乃改駟爲駟

但歌

但歌四曲出於漢世一人唱三人和作技最先魏武帝絕好之梁簡文詩但歌聊一曲鳴絃未息張又曰迎來挾瑟易送別但歌難

鄭櫻桃

鄭櫻桃在晉書則以爲優僮在十六國春秋則以爲鄭世

達之家妓一以爲男子一以爲婦人二書不同如此

字有一字三字

今人字必兩字古人多有一字者如酈寄字况袁盎字絲鄭當時字莊枚乘字叔馬通字達朱雲字游鄭興字贛諸葛穎字漢長孫紹遠字師長孫晟字季顏之推字介房元齡字喬顏師古字籀顏相時字睿毛欽一字傑顏杲卿字昕柳公綽字寬任瓌字偉錢勰字穆范祖禹字淳錢若水皆一字交遊以其難呼增字爲穆父滄父非其本也晉時有三字字者張天錫字公純祐祐當作嘏江左笑之因改爲純嘏

巡官衙推

淮南雜識卷四

宋時呼卜相爲巡官呼醫者爲衙推

十一

比紅兒詩

楊大年因奏事帝論及比紅兒詩大年不能對深以爲恨忽一日醫書者有小編脈之乃比紅兒詩也詩則羅虬所爲凡百首

真經

莊子書名爲南華經者始自唐天寶元年莊子號爲南華真人文字號爲通玄真人列子號爲沖虛真人庚桑子號爲洞虛真人四子所著書號爲真經

迷藏

唐玄宗與楊太真互以錦帕蔽目抱定者爲勝太真體捷

往往逸去玄宗多負宮中謂之戲迷藏

啞謎

婦人及小兒喜猜啞謎俗呼謎謎子魏書咸陽王禧謀反從洪池東走愛懼不知所爲謂防閤尹龍虎曰吾憤憤不能堪試作一謎當思解之以釋毒悶龍虎歛憶舊謎曰眠則俱眠起則俱起貪如豺狼賊不入已禳解之曰此眼也龍虎謂之是著然不自魏書始也前漢書東方曼倩郭舍人相與爲隱語曰口無毛者狗寶也聲嗷嗷者烏哺鷄也尻益高者鶴俯啄也舍人因曰臣願復問朔隱語卽妄爲諧語曰令壺齟老柏塗伊優亞狎吽牙何語也朔曰令者命也壺者所以盛也齟者齒不正也老者人所敬也柏者

淮南雜識卷四

三

鬼之庭也塗者漸洳徑也伊優亞者詞未定也狎吽牙者兩犬爭也兩人共爲隱語與世俗之猜謎無異然又不自前漢始也左傳宣公十二年楚子滅蕭蕭還無社求救於申叔展叔展曰有麥麴乎曰無有山鞠窮乎曰無河魚腹疾奈何曰目於晉井而拯之若爲茅絰哭井則已蕭潰申叔展視其井則茅絰存焉號而出之哀公十三年吳申叔儀乞糧於公孫有山氏曰佩玉纒兮余無所繫之旨酒一盛兮余與褐之父睨之對曰梁則無矣麤則有之若登首山以呼曰庚癸乎則諾此二事實爲啞謎之祖但古雅今俚耳

漢書藝文志有隱語十八篇今已不傳東漢此風爲盛如蔡中郎題曹娥碑云黃絹幼婦外孫薑白隱絕妙好辭四字魏伯陽參同契後序云鄙會鄙夫幽谷朽生委時去害依託邱山循遊寥廓與鬼爲鄰百世一下遊遊人間湯遭厄際水旱隔屏隱會稽魏伯陽五字古魏字从鬼故云依託邱山越絕書之跋其略曰勾踐以來至於更始之元五百年記陳厥說略有其人以去爲姓得衣乃成厥名有米覆之以庚略以事類俟告後人文屬詞定自於邦賢以口爲姓承之以天楚相屈平與之同名細繹之則作越絕者東漢三人袁康始之吳平終之也淮南大明寺壁上有詩謎云一人堂堂二曜同光泉深尺一點去冰傍二人相連

淮南雜識卷四

七

不欠一邊三梁四柱烈火烘然除去雙勾兩日不全班意一見卽能辨之乃大明寺水天下無比八字隱語也又孔融離合作郡姓名詩云漁父屈節水潛匿方離魚字與貴進止出行施張離日字魚日合成魯呂公鈞磯蓋口渭傍離口字九域有聖無土不王離或字口合或成國好是正直女回于匡離子字海內有截隼逝鷹揚離一子字乙合成孔六翮將奮羽儀未彰離鬲字蛇龍之螫俾也可忘離虫字鬲虫合成融字玫瑰隱曜美玉韜光離文字無名無譽放言深藏離與字按轡安行誰謂路長離手字與手合成舉東坡硯蓋銘曰研猶有石峴豈無山姜女旣去孟子不還

大曆寺藏經
真定大曆寺藏經皆唐宮人所書經尾題姓氏極可觀有
塗金匣藏心經一卷字體尤婉麗其後題曰善女人楊氏
爲大唐皇帝李三郎書人

古人的好尚

唐人絕推淵明而杜少陵不好陶詩宋人極重少陵而歐
陽廬陵不好杜詩司馬溫公作潛虛服膺大玄而蘇氏不
好揚子龍門自昔人推重遠出班家之上而子繇不好史
記

晉書羊曼傳州里稱陳留阮放爲宏伯高平郗鑒爲方伯

淮南雜識卷四

十五

泰山胡毋輔爲達伯濟陰卞壺爲裁伯陳留蔡謨爲朗伯
阮孚爲誕伯高平劉綬爲委伯而曼爲輅伯號兗州八伯
蓋擬古之入儻其後更有四伯大鴻臚陳留江泉以能食
爲穀伯豫章太守史疇以太肥爲笨伯散騎郎高平張嶷
以狡妄爲猾伯而曼弟聃字彭祖以狠戾爲瑣伯蓋擬古
之四凶

文章自始

韓柳之文實宗梁浩後人知有韓柳不知有梁補闕歐蘇
之文原本穆修後人知有歐蘇不知有穆伯長文章之傳
亦有幸有不幸耶古文起自伯長歐陽廬陵曾表章之至
於梁補闕之名苟非孫光憲瑣言幾不知唐朝有是人矣

醉翁醒老

歐陽公自謂醉翁林中子自謂醒老

三教稱書卷

儒書謂一段爲一卷道書謂一卷爲一弓說邠用之佛書謂一條爲一則容齋隨筆用之佛典又云多羅樹葉書凡有二百四十縛縛古絹字亦借爲卷

弓音周

五經文字不同

五經中文字不同多矣有一經之中而自不同者如桑甚見於衛詩而魯則爲黜毳弓著鄭詩而秦則爲鞞左氏一書其錄楚也蘧氏或爲蒦氏箴尹或爲鍼尹况於鐘鼎之文乎

淮南雜識卷四

十一

檀弓左傳異同

檀弓左傳記事每不同卽如清之役檀弓以爲戰於郎左傳以爲戰於郊檀弓以爲公叔禹人與其鄰童汪錡往左傳以爲公爲與其嬖僮汪錡乘紀地紀名偏旁差髣髴而實不同如記知悼子喪平公飲酒一事檀弓以爲杜蕢左傳以爲屠蒯檀弓以爲師曠李調左傳以爲樂工嬖叔杜蕢屠蒯聲相近或易訛至於子野何故左氏遽沒其名嬖叔抑豈李調之字耶

前代名號不可用

何孟春餘冬序錄曰今人稱人姓必易以世望稱官必用前代職名稱府州縣必用前代郡邑名欲以異不知文字

間著此何益於工拙此不惟於理無取且於事復有礙矣
李姓者稱隴西公杜曰京兆王曰琅琊鄭曰滎陽以一姓
之望而槩衆人可乎此其說自唐宋五季間孫光憲輩始
北夢瑣言稱馮涓爲長樂公冷齋夜話稱陶穀爲五柳公
類以昔人之號而槩同姓尤是可鄙官職郡邑之建置代
有沿革今必用前名號而稱之後將何所考焉此所謂於
理無取而事復有礙者也

射石

史記李廣守北平射虎中石人人知之令狐德棻周書載
李遠一事與李廣正同李遠嘗較獵莎柵見石叢薄中以
爲伏虎射而中之鏃入寸餘就視乃石也太祖賜書曰昔
將軍親有此事公今復爾可謂世載其德不但已也韓詩
外傳熊渠子夜行見寢石以爲虎彎弓射之沒金飲羽下
視其石也因復射石矢摧無迹王充論衡養繇基見寢石
以爲虎射之飲羽則此事前人已有的矣

淮南雜識卷四

七

顏氏家訓握素披黃注黃者黃卷也古者書並作卷軸可
卷舒用黃者取其不蠹故史記曰編官解職呂志其外
北夢瑣言千字文載爲吳梁公李齊齊稱蘇繇爲玉陽公
梁書周典嗣有千字文次韻王羲之書宋史李至傳言梁
武帝得鍾繇書破碑千餘字命周典嗣次韻而成又梁書
蕭子範亦有千字文記室蔡蕤爲注隋書則言蕭子雲注

舊唐書又有演千字文五卷不著何人作又隋書秦王俊
令潘徽作萬字文

著書相反相襲相續

古人著論往往以相反爲工賈誼有續騷揚雄有反騷何
休有左氏膏盲穀梁廢疾公羊墨守鄭玄有箴膏肓起廢
疾發墨守譙周有古史考以正史遷之繆凡二十五篇司
馬彪有條古史考以正譙周之繆凡言百二十事劉知幾
有史通二十卷柳璨有史通析微十卷孫何有駁史通十
卷以正劉氏之失吳縝有新唐書糾繆韓子中有新唐書
辨惑柳宗元有非國語葉真有是國語宋汪端禮元虞槃
皆有非非國語鄭夾深通志極攻班氏之失馬貴與通攷

復折鄭氏之非古人相襲者亦往往有之陸賈有新語顧
譚亦有新語賈誼有新書虞喜亦有新書桓譚有新論華
譚劉晝亦有新論崔實有政論王肅亦有政論馬融有忠
經海鵬亦有忠經仲長統有昌言王滂亦有昌言賈山有
至言崔靈恩亦有至言蕭統有錦帶書孟詵亦有錦帶書
子寶有搜神記焦潞亦有搜神錄吳筠有兩同書羅隱亦
有兩同書白居易有六帖宋孔傳亦有六帖劉子玄有史
通黃度亦有史通杜牧之有罪言家愿亦有罪言陸璣有
詩艸木疏劉杳有騷艸木疏黃方慶有園亭艸木疏李饒
有山居艸木疏枚乘七發之後傳毅有七激張衡有七辨
崔駰有七依曹植有七啟張協有七命古人著書亦有相

續者劉向有說苑劉覲有續說苑王充有論衡邊誼有續論衡崔豹有古今注周蒙有續古今注劉義慶有世說孔文仲有續世說杜佑有通典宋白李宗諤有續通典劉存有事始劉睿馬鑑有續事始趙自勤有定命錄溫奢有續定命錄陳翰有卓異記樂史有續卓異記沈括有清夜錄王銍有續清夜錄李肇有翰林志蘇易簡有續翰林志

伯瑜綵衣

陳思王靈芝篇曰伯瑜年七十綵衣以娛親今人但知老萊子之事而不知伯瑜

字同其名

名字相同起於晉宋之間史之所載晉安帝名德宗字德

淮南雜識卷

九

宗恭帝名德文字德文會稽王道子字道子殷仲文字仲文宋蔡興宗字興宗齊顏見遠字見遠梁王僧儒字僧儒北齊慕容紹宗字紹宗後周王思政字思政之類至唐時尤多

以姓取名

以姓取名連姓爲義者絕少嘗讀通鑑至五代後漢有號州伶人靖邊庭胡身之注曰靖姓也優伶之名與姓通取一義所以爲諛也考之自唐以來如唐書黃幡綽雲朝霞五代史敬新磨遼史羅衣輕之輩皆載史書益信其言之有據也

郭象注莊子

太和六年植封陳王豈可倚摭史傳以議此賦之不合哉
庾信枯樹賦既言殷仲文出爲東陽太守乃復有桓大司
馬亦同此例而長門賦所云陳皇后復得幸者亦本無其
事俳諧之文不當與之莊論矣

史記漢高帝時有兩韓信則別之曰韓王信漢王莽時有

兩劉歆則別之曰國師劉歆其法本於左傳襄公二十五年齊有兩賈舉則別之曰侍人賈舉是燔不臣對車後文

三花蕊夫人

蜀有三花蕊夫人一爲崔寧妾卽召募戰士敗楊子琳者是也一爲王建妾號小徐妃是也一爲孟昶妾善作宮詞

淮南雜識卷四

三

者是也王衍降唐小徐妃於途中遭害孟昶降宋花蕊見嬖於昌陵

三王次仲

王次仲凡有三人秦之王次仲則始皇徵不至檻車送之於道化爲大鳥者是也後漢王次仲則世祖時善隸書始爲楷法者是也漢末王次仲則蕭子良所云靈帝時飾隸爲八分書是也

建武諸五公孫宏與文其簡矣

公孫宏有五一在齊爲孟嘗君見秦昭王一在中山爲參乘言司馬喜相求其一在越斷髮爲王騎其一爲漢平原侯其六明帝時幽州從事交通楚王英見於虞延一傳

三召平

召平有三人一為秦東陵侯種瓜者一為陳勝徇廣陵者一為齊王相者皆戰國時人

兩朱買臣

漢武帝時有會稽太守朱買臣元帝時有武昌太守朱買臣

兩王莽

王莽有兩人一天水人字稚圭昭帝時為右將軍與霍光同心輔政一即新莽篡漢者

兩參寮辯才

宋有杭州僧參寥唐有道士參寥見孟浩然集唐有藏蘭

淮南雜識卷四

三

亭僧辯才宋亦有高僧辯才隱天竺見淮海集

兩智永

僧有兩智永一梁書僧一宋畫僧

兩劉秀

漢國師公劉秀以名應圖讖為王莽所殺而取王莽者為光武亦劉秀

兩扁鵲

黃帝臣有扁鵲善醫戰國時有秦越人號扁鵲亦善醫

兩嚴遵

漢有兩嚴遵一名尊者字君平一名光者字子陵皆高士

兩李密

晉李密以祖母老辭官後魏李密以母老習醫

兩王著

宋有兩王著俱太祖時一以文學典制一以書學待詔

兩孫益

宋兩孫益一泰興人紹定中拒李全戰死一宣和末知寧

朔府救太原戰死並見忠義傳

王姓之王氏同名字亦之平贊之贊之平表之六世名曰

晉書兩王渾一景子一戎子兩王愷一字茂仁一字君夫

兩王澄一濟弟一衍弟兩王安期一含子一湛子兩王處

沖一名湛一名還

兩世至六世同名之字

淮南雜識卷四

重

兩世名同之字者胡母輔之子謙之吳隱之子瞻之顏悅

之子愷之三世名同之字者王晏之子崐之崐之子陋之

徐遠之子湛之湛之子書之四世名同之字者王羲之子

獻之獻之子靖之靖之子悅之五世名同之字者王胡之

子茂之茂之子裕之裕之子瓚之瓚之子秀之六世名同

之字者王彪之子臨之臨之子納之納之子准之准之子

與之與之子進之八世名同之字者王胡之

三字名

令尹子文名穀於菟趙元昊子名佖令受戰國人有董之

蔡菁

晉李密三字姓小楷宜分讀李密以母老習醫

隋書有阿史那大素唐書有阿史那社尔阿史那斛瑟羅
阿史那獻阿史那忠北史有侯莫陳穎侯莫陳悅唐書有
侯莫陳恁宋史有侯莫陳利用晉書有庫儻官驥北史有
賀莫弗勿于唐書有莫賀咄設莫賀咄苾北齊書有步大
汗薩周太祖賜楊纂姓爲莫胡盧氏魏獻帝賜寇攜爲若
口引氏唐書有沙鉢羅設蘇尼失太子惡之

書經換鶯

王羲之書經換鶯有二事一書道德經是偶悅山陰道士
之鶯求而不得因爲之寫換也此出傳中李太白詩曰右
軍本清真瀟灑在風塵山陰遇羽客愛此好鶯賓埽素寫
道德筆精妙入神書罷籠鶯去何曾別主人一書黃庭經

淮南雜識卷四

五

山陰道士好黃庭知羲之愛白鶯遂以數頭贈之得其妙
翰出張君房雲笈七籤李太白送賀賓客歸越詩曰鏡湖
秋水漾晴波狂客歸舟逸興多山陰道士如相問應寫黃
庭換白鶯後人指爲一事紛紛辨之誤矣

鍼墮

晉武帝太子舍人杜錫亮直忠烈太子惡之置鍼於錫坐
墮中刺之流血故世有如坐鍼墮之語蕭帝與張融書
賈莫典潦倒書育莫賢即雙莫賢即苾北齊書育莫大
潦倒乃醜籍也後人以爲不偶誤矣如史云宋武帝舉止
行事似劉穆之此非醜藉潦倒士耶又北史崔瞻傳云容
止醜藉者爲潦倒生可見矣

偃蹇

相如子虛賦掉指擡以偃蹇兮註偃蹇委曲貌世以不得意會之誤也

褊褊

褊褊子謂不曉事之意魏程曉詩云今世褊褊者觸熱到人家

兩王鐵鎗

新五代史王鐵鎗凡有二一為王彥章一為王敬瑄

鹿獨

顏氏家訓鹿獨戎馬之場註張華拂舞賦獨漉獨漉水流泥濁一作獨祿亦作獨鹿當是千予之意本無定字故此

淮南雜識卷四

五

又倒作鹿獨也

顏氏家訓世中書翰多稱勿勿相承如此不知所由或有妄言此忽忽之殘缺耳案說文勿者州里所建之旗也象其柄及三旂之形所以趣民事故忽遽者稱為勿勿

虎卜

虎苑虎知衝破每行以爪畫地卜食觀奇偶而行今人畫地卜曰虎卜

威儀為瑞草

唐德宗定百官賜服節度使以鵝啣綬帶觀察使以鴈啣威儀史官解曰威儀瑞草也

魏書無帝紀

明北板魏收魏書亡帝紀采高氏小史補之

妖化錄

說郛中宣靖妖化錄可補宋史五行志

新唐書事實

新唐書帝紀志表成於歐列傳成於宋而修天文厯志者則劉仲更修方鎮百官表者則梅聖俞也議修於慶厯四年書成於嘉祐五年初命在館學士每人供唐書外故事二件積累既多釐附本傳故新唐書所載事實比劉昫舊唐書爲多

廿一史志

淮南雜識齋

三

廿一史惟陳氏三國志李氏南北史歐陽氏五代史無志餘皆有之梁陳周齊四書之志散入於隋書之中非四書無志也隋書志非專爲隋而設劉昫舊唐書太尉長孫無忌進史官所撰梁陳周齊隋五代史志三十卷則此書原名五代志專以隋書志目之則失其本矣太宗貞觀十年五代史成高宗顯慶元年五代志成志與書相距二十年之久史之不易立志也如此按蜀魏吳之志雜見沈約宋書之中五代史李琪傳詳著正衙放仗之文此列傳中之兼禮儀志者以此言之三國五代又不可謂無志也

漢書

成漢書者人知有班固而已註漢書者人知有顏師古而

已漢書半出於劉歆漢註半出於顏游秦人不知歆與游秦也葛洪家有劉子駿漢書百卷以劉書按班書不過小有異同固所不取止二萬許言耳顏游秦師古之叔也嘗撰漢書決疑二十卷時稱爲大顏後師古爲太子承乾注班書多資取其義游秦附載於師古傳末所謂顏廉州不殺非時草者也官至廉州刺史

五代史宋史

歐陽五代史太略脫脫宋史太煩煩則宜刪略則宜增增如裴松之注陳壽三國志可也但裴易而今難裴時諸家書尙存如王沈魏書魚豢典略張勃吳錄孫盛魏春秋章昭吳書司馬彪九州春秋及曹瞞傳英雄記諸書悉俱采

淮南雜識卷四

三

錄今欲注五代史必諸家之書咸備而後可舉手如薛居正舊五代史宋苜公紀年通譜湯悅江南錄高遠昇平故事賈緯唐年譜錄鄭向開皇紀劉道原十國紀年王浦五代會要馬令南唐書陸游南唐書鄭文寶南唐近事王保衡晉陽聞見錄范質五代通錄賀扈蒙顯德日歷王禹偁五代闕文陶岳五代史補詹玠唐宋遺史王顏南唐開基志信都鎬泐上英雄錄徐鉉吳錄李昊蜀書蔣文懌閩中實錄王子融唐餘錄林仁志王氏解運圖范文錫前蜀紀事董道後蜀紀事陳彭年江南別錄龍衮江南野史盧臧楚錄胡賓劉王氏興亡錄陶岳荆湘近事范垌林禹吳越備史錢儼備史遺事錢惟演家王故事周羽冲三楚新錄

鄭文寶江表志張唐英蜀檣杙曹衍胡湘故事路振九國志及運歷圖譜諸如此類亡逸強半思續裴氏之後談何容易卽刪宋史亦有說止刪無增斷不成家有李燾續資治長編及實錄起居注諸書而後宋史可裁也

冊府元龜

冊府元龜凡一千卷三十一部一千一百四門門有小序撰自李繼等六人而竄定於楊億其書止採六經諸史國語國策管子晏子呂覽淮南韓詩外傳修文御覽菟文類聚初學記等書如西京雜記明皇雜錄等皆損不採其編修供帳皆異常等王欽若以魏書宋書有索鹵島夷之號欲改去正文楊文正謂舊文不可改又如杜預長歷推甲

淮南雜識卷四

天

予多誤皆以誤註其下而不易帝牙手詔凡悖逆之事不足爲訓者刪之復親覽摘其舛誤多出手書詰問或召對指示商略凡九年而成書內無后妃事乃另編彤管內範六十卷皆平旦平旦說郭宋人說郭宋人陶南村說郭坊間梓行非陶舊也侯白啟顏錄雜以貞觀事魚豢三國典略雜以宋齊梁陳事並可發笑

太平御覽

太平御覽有二部一太宗時所纂分門別類卷帙浩繁一眞宗時所編鈔略四部共三百六十卷眞宗萬幾之暇日閱一卷經歲而畢田錫借三館書成之者

善變則知古人託之以喻其變也

東漢雲臺二十八將名次殆不可曉第一鄧禹第二馬成
第三吳漢第四王梁第五賈復第六陳俊較功論業馬成
不應在吳漢之上賈復豈宜居王梁之下據薛伯宣云舊
本漢書作兩重排列上一重鄧禹居首次吳漢次賈復次
耿弇次重馬成次王梁次陳俊次杜茂後人重刊遂致
錯誤范蔚宗論曰其外又有王常李通竇融卓茂為序則將
二人今本乃以王常臧宮李通馬武竇融卓茂為序則將
上下重誤合而為一明矣出羅典聞見錄至如西漢序列
功臣蕭何第一張良第六十二陳平第六十八豈知名之
士功實偏後於人耶

淮南雜識卷四

三

士世實何承天鼓吹饒歌

何承天造鼓吹饒歌十五篇朱鷺改為朱路思悲翁改為
思悲公翁離改為離離上陵改為上陵者上邪改為邪正
之邪遠如期改為遠期石畱改為石流率易原名依指修
詞歸於風雅縱非東京樂府之舊有太史譎諫之情繆襲
韋曜未敢望項背也王粲笑刺劉琦其辭入漢書
本傳書吾子行說易也朱重潤再說首定其幾矣賈復矣
元吾子行云象象皆假畜獸以名象為大豕行則俛首一
望而全體皆見故統論立卦之體取以喻之象有六牙故
六爻之義取以喻之許氏說文蒼頡易字象蜥蜴形蜥蜴
善變則知古人託之以喻其變也

而曰晉隋字之林藪矣史官勸書不采閩川各士勸立蘇
徐楚金曰隋文帝初封隨惡隨字爲走乃去之成隋字隋
裂肉也其不祥莫大焉

郭忠恕八分書

郭忠恕佩觿曰八分之說流俗有二或云六分篆法二分
隸文又云皆似八字執有偃波二說皆非也書有八體一
曰大篆二曰小篆三曰刻符四曰蟲書五曰摹印六曰署
書七曰殳書八曰隸書漢蔡邕以隸作八分體蓋八體之
後又分此法謂之八分韋續書法李陽冰論篆皆言八分
爲王次仲所作郭氏當另有所本並存之以備攷

隸異情老君剪舌

淮南雜識卷四

三

錄異記曰夔州道士王法玄舌大而長呼文字不甚典切
嘗以爲恨因熟讀道德經夢老君與剪舌覺而言詞輕利
發又長男女錢文入公筆讀書於李邕來歸蔡書等入公
董道錢譜有男錢洪遵泉志有女錢男錢懸鍼書女子佩
之卽生男故名男錢女錢見通典重五銖無輪郭梁時謂
之公式女錢則入宅燈昏野地二傳皆非也書亦入韻一
傳忠感紺珠曰八長之德前命育二短云六長案考二公
張燕公得紺珠讀書強識

唐書閩人舉進士

唐書閩人舉進士由歐陽詹始王應麟攷之登科記詹之
前已有薛令之林藻矣史官修書不采閩川名士傳止據

韓退之之哀詞耳謂其可謂商聲也謂其可謂

字諺

謂其可謂商聲也謂其可謂

薛綜諺蜀使曰有犬成獨無犬成蜀橫目苟身蟲入其腹此諺國號也徐之才諺王昕姓曰有言便託近犬即狂加頸足而爲馬施角尾而成羊諺盧元明姓曰在亡爲虐在邱爲墟生男則爲虜得馬則成驢蘇頌咏尹字曰丑有餘足甲無全身見君無口望伊無人謂其可謂商聲也謂其可謂晉傳玄作七經詩其毛詩一篇略曰聿修厥德令終有攸勉爾遁思我言維服盜言孔甘其何能淑讒人罔極有視面目此集句之始

淮南雜識卷四

三

雙聲疊韻

南史王元謨問謝莊何者爲雙聲何者爲疊韻莊曰互護爲雙聲礮礮爲疊韻互護同爲唇音而二字不同韻故謂之雙聲礮礮同爲牙音而二字又同韻故謂之疊韻沈存中筆談謂如幾家村草裏吹唱隔江聞幾家村草對吹唱隔江皆雙聲如月影侵簪冷江光逼屐清侵簪逼屐皆疊韻然錢木庵謂疊韻易見雙聲難明陸魯望谿上思雙聲云谿空惟容雲木密不殞雨迎漁隱映間安得謳雅檣木庵爲之注云五音以唇舌牙口齒辨之二字同音爲雙聲如谿空容雲舌居中宮聲也木密殞雨唇撮聚羽聲也隱映舌抵齒徵聲也謳雅口開張商聲也諸如此類可以類

推觀此而所以爲雙聲乃了然矣

華徐二醫

魏志華佗一名專字元化有婦人長病經年世謂寒熱注病者冬十一月中佗令坐槽中平旦用寒水汲灌云當滿百始七八灌會戰欲死灌者懼欲止佗令滿數將至八十灌熱氣蒸出囂囂高三尺滿百灌佗乃使燃火溫床厚覆良久汗洽出著粉汗燥便愈南史徐嗣伯字叔紹直閣將軍房伯玉冷病積年服五石散十許劑無益更患冷夏月嘗複衣嗣伯爲診之曰卿伏熱應須以水發之非冬月不可至十一月冰雪大盛令二人夾捉伯玉解衣坐石上取冷水從頭澆之盡二十斛伯玉口噤氣絕家人啼哭請止

淮南雜識卷四

三

嗣伯遣人執杖防閑敢有諫者撻之又盡水百斛伯玉始能動而見背上彭彭有氣俄而起坐曰熱不可忍乞冷飲嗣伯以水與之一飲一升病都差自是冬月恒單禪衫體更肥壯二事正同

銀鹿海鷗

顏魯公之僕曰銀鹿柳誠懸之豎曰海鷗

毋輕改字

宋吳淑爲校理古樂府中摻字多改爲捺字徐鍇曰非可一例若漁陽摻者三搥鼓也古歌曰邊城晏聞漁陽摻黃塵蕭蕭白日暗淑乃嘆服邢子才讀書誤處未嘗改正人問之曰思誤處更是一適是或一道

隔是

隔是一作格是委甚叢談隔是猶云已是如是也元微之詩隔是身如夢頻來不為名讓在吳晉書山嶺書年譜賦

遮莫

鶴林玉露遮莫猶云儘教也杜詩遮莫鄰雞下五更

至竟

至竟猶云究竟也杜牧詩至竟息公為底事

不當作猶言先道个不該也孟浩然詩更道明朝不當作相期共門管絃來

淮南雜識卷四

書

晉人云阿堵猶言若箇這箇也晉書王衍口不言錢晨起見錢堆床前曰阿堵後人不解遂以錢為阿堵謬矣殷浩看佛經曰理亦應在阿堵中顧長康傳神曰精神妙處正在阿堵中謝安謂桓溫曰明公何用壁後置阿堵輩皆可證象餘云空意出林外情至竟息公為底事

無賴

史記始夫人常以臣無賴賴利也無利入於家也良

類繁

蜀志費禕傳以奉使稱旨類繁至吳晉書山濤傳手詔類

繁後人減筆作煩

儻來公未之見耶

莊子刻意篇曰物之儻來寄也

楊妃洗兒

楊妃洗兒事新舊唐書皆不載溫公通鑑乃采天寶遺事以入之然李義山西郊百韻詩皇子棄不乳椒房抱羌渾天中進士鄭嵎津陽門詩祿兒此日侍御側繡羽祿衣日

頊聶則亦非不根之語矣
香山詩楊柳小蠻腰妓名也攜將小蠻去招得老劉來自註小蠻酒榼也是有二解矣

樂天詩菱角執笙簧谷兒抹琵琶紅綃信手舞紫綃隨意

淮南雜識卷四

三

歌自註菱谷紅紫皆臧獲名劉夢得詩終須買取名春草處處將行步步隨自註春艸白君之舞妓也

赤松子神農時雨師乃張良欲從之遊者見劉向說苑晉

王初平叱石者因易姓爲赤松子見葛洪神仙傳今金華赤松觀乃其升仙地也

洪崖有二其一三皇時伶倫得仙者也衛叔卿與數人博

戲於華山石止其子問曰不審與父並坐者誰也叔卿曰

洪崖先生許由巢父耳郭璞詩左揖浮邱袖右拍洪崖肩

是也其一唐有張氲亦號洪崖先生常服烏方帽紅蕉衣

是也其一唐有張氲亦號洪崖先生常服烏方帽紅蕉衣

黑犀帶跨白驢從者負六角扇垂雲笠鐵如意往來市間人莫知其歲豫章有洪崖蓋古洪崖得道處也後張洪崖亦至其處

葛洪非葛仙翁晉書葛洪字稚川自稱抱朴子晉咸和時人葛洪燒丹於羅浮山成仙梁大同時人葛瓊一名仙翁亦燒丹而成仙今人以葛洪爲仙翁者非也

晉葛洪字稚川作抱朴子者宋葛洪字容臣書選登葛洪晉書兩葛洪晉書葛洪字稚川作抱朴子者宋葛洪字容臣書選登葛洪

班史稱霍光不學無術故不知伊尹放太甲之事乃西京雜記霍光答孿生兄弟書先引殷王祖甲再引許釐公一

淮南雜識卷四

美

產二女楚屠勒一產三子事甚博雅張飛能文蜀志劉巴輕張飛云大丈夫何暇與兵子語似飛稚魯無文乃涪陵有飛所作刁斗銘流江縣有飛所書題名石前明張士環有詩云江上祠堂橫劍佩人間刁斗重銀鈎一各杞梁妻杞梁妻

檀弓齊莊公襲杞杞梁死焉其妻迎其柩於路而哭之哀孟子善哭其夫而變國俗左傳但言辭齊侯之弔而不言哭檀弓孟子雖言哭未言崩城事也說苑立節篇云其妻聞夫亡而哭城爲之陲列女傳云枕其夫之屍於城下哭十日而城崩亦未言長城也長城築於齊威王時去莊公

百有餘年而齊之長城又非秦始皇所築長城唐釋貫休
乃爲詩曰秦人築土一萬里杞梁貞婦啼烏鳥則竟以杞
梁爲秦時築城之人而其妻所哭崩乃卽秦之長城矣

結髮

李廣傳廣自結髮與匈奴戰泛稱自幼束髮之意非指稱
結兩人之髮也蘇子卿詩結髮爲夫妻恩愛兩不疑亦是
此意今人誤解蘇詩因以結髮爲夫妻之專稱而劉岳書
儀附會其說成婚之夕男左女右合其髻曰結髮遂成故
事

子產字子美

筆叢東坡和潛師放魚詩曰况逢孟簡對盧仝不用校人

淮南雜識卷四

三

欺子美按左傳杜預注子產一字子美

呂布貂蟬

世傳呂布貂蟬史傳不載唐李長吉呂將軍歌榼榼銀龜

搖白馬傳粉女郎大旗下似有其人也

古聖賢壽

前伊尹壽百有五歲卒於仲丁之世見竹書紀年周太公
壽百有十歲卒於康王六年見金石錄漢竇公本魏文侯
樂人至孝文帝時一百八十歲見漢書藝文志註引桓譚
新論魏羅結壽百三十歲趙逸五百歲見北史唐李元爽
一百三十六歲見白樂天集蜀范長生先事劉玄德至李
特時一百三十餘年嶺南雞窠老翁年二百餘宋譙定百

三十餘歲猶橫經授易

金牙玉齒

李近仁賀武后新牙更生表云易有四營金牙爲壽考之象詩具六義玉齒載神仙之謠還年而輔車不虧卻老而瓠犀仍出堅而不脆聞於導養之方落而更生得自靈飛之散又易林金牙玉齒西王母子

彭祖非壽終

司馬彪莊子注云彭祖八百猶悔不壽又曰彭祖餌雲母御女凡數十妻晚妻鄭氏妖淫敗道而死非壽終也珍珠船曰彭祖喪四十九妻五十四子

折簡

淮南雜識卷四

庚

王淩謂司馬懿曰卿直以折簡召我我敢不至而乃引軍來乎漢制簡長三尺短者半之故小簡曰尺牘折簡者折半之簡言禮輕也又南史謝眺覽孔闔表手自折簡寫之此折簡謂擘牋也

王良

韓非子曰王良字子期爲趙簡子御左傳杜預注以王良

爲郵無郵

登而不厭

唐人有盧鴻一隱於嵩山其名鴻一者尸子云鴻飛天首

高遠難明楚人以爲鳧越人以爲乙鴻常一爾舊唐書可

證而通鑑綱目書徵嵩山處士盧鴻爲諫議大夫不受蓋

沿新唐書之誤脫去一字耳

兩莊躑

韓非子曰莊王欲伐越杜子諫曰莊躑爲盜於境內而吏不能禁此政之亂也漢西南夷傳莊躑者楚莊王之裔也以其衆王滇去莊王時百年此又一莊躑也

兩鬻熊

漢藝文志鬻子二十二篇注云名熊爲周師文王以下問焉周封之爲楚祖此一鬻熊也唐元宗天寶六年詔祀夏禹於安邑以宗伯鬻熊秩宗伯夷配此夏之鬻熊也然夏之宗伯經傳無明文不知何據

三人皆名食其

淮南雜識卷四

堯

高祖時有酈食其審食其武帝時有趙食其師古皆讀作異基

兩陳留王

漢獻帝從陳留王入承大統曹奐爲司馬所廢封陳留王查初白詩若以報施論漢魏後先亡國兩陳留王以不問

黑甜

西清詩話南人以飲酒爲軟飽北人以晝寢爲黑甜故東坡云三杯軟飽後一枕黑甜餘

傍犯

徐陵賦陪遊馭娑騁纖腰於結風長樂鴛鴦奏新聲於度曲又云厭長樂之疏鐘勞中宮之緩箭雖兩長樂爲意不

同此類爲傍犯又劉禹錫詩前聯云雪裏高山頭白旱後
聯云于公必有高門慶自註高山本高高門使之高也亦
傍犯之例

子細

北史源思禮傳爲政當舉大綱何必大子細也杜詩野橋
分子細

娼徒

漢書西南夷傳西南之夷人自稱曰娼徒娼通陽方言巴
濮之人自呼爲阿陽陽之言我也爾雅郭注引魯詩陽如
之何言我奈之何也

竭來

淮南雜識卷四

四

竭來謂盍來也劉向七言詩曰竭來歸耕永自疎

廣文選姓名俱誤

廣文選中山王文本賦乃以文爲中山王名而題作木賦
宋王微咏賦乃誤王爲玉而題云微咏賦下書宋玉之名
不知王微乃南宋人史具有姓名阮步兵碑乃東平太守
嵇叔良撰而妄作叔夜不知叔夜之死先於阮也其疏謬
如此

庾信歷四朝十帝

唐盧中讀庾信集云四朝十帝盡風流建業長安兩醉遊
惟有一篇楊柳月江南江北爲君愁按庾信本梁之臣後
入東魏歷周隋凡四朝十帝也

阮何雙
南史宋孝武選侍中四人並以風貌王彧謝莊爲一雙阮
韜何偃爲一雙唐詩雲仍王謝並風貌阮何雙

同能不如獨勝

楊升庵曰孫位畫水張南畫火吳道玄畫人物楊繪塑陳
簡齋詩辛稼軒詞同能不如獨勝也

林和靖有子

林和靖長相思詞云吳山青越山青兩岸青山相送迎誰
知離別情君淚盈妾淚盈羅帶同心結未成江頭潮已平
甚有情致宋史稱其不娶非也水洪著山家清供其中言
先人和靖先生云云卽先生之子也蓋喪偶後遂不娶耳

淮南雜識卷四

聖

許渾詩失實

許渾凌歊臺詩曰宋祖凌歊樂未回三千歌舞宿層臺宋
祖乃劉裕也南史稱宋祖清簡寡欲儉於布素嬪御至少
嘗得姚興從女有盛寵頗廢事謝晦微諫卽時遣出安得
有三千歌舞之事也

白頭而新

漢書白頭如新傾蓋如故說苑作白頭而新傾蓋而故而
如古字通用作而字解尤有意味

張俊附秦檜而傾岳忠武者張浚廣漢人嘗稱飛忠孝人

也及飛冤死後高宗納太學程宏圖之奏昭雪光復浚與

參贊陳俊卿悲感嘆服浚爲都督浚爲樞密劉豫遣子麟姪合兵七十萬犯淮西張浚聞之以書戒浚曰賊豫之兵以逆犯順若不勦除何以立國今日之事有進擊無退保也此見張穎所著岳飛傳浚與浚非可混爲一人也陳白沙詩秦傾武穆因張浚其亦攷古不精厚誣賢者矣

滕王有二

杜子美滕王亭子詩民到於今歌出牧來遊此地不知還後人因子美之詩注者遂謂滕王賢而有遺愛於民郡志亦以滕王爲名宦按新舊唐書並云元嬰爲荊州刺史驕佚失度太宗崩集官屬燕飲歌舞狎昵廝養巡省部內從民借狗求宜所過爲害以丸彈人觀其走避則樂及遷淇

淮南雜識卷四

望

州都督以貪聞高宗給麻二車助爲錢緡小說又載其召屬宦妻於宮中而淫之其惡如此而少陵乃稱之所謂詩史者蓋亦不足信乎或曰杜工部滕王亭詩王建詩揚得滕王蛟蜺圖皆稱滕王湛然非元嬰也王勃記滕王閣則元嬰耳

趙李

阮籍咏懷詩西遊咸陽市趙李相經過顏延年以爲趙飛燕李夫人劉會孟謂安知非實有此人不必求其誰何也按漢書谷永傳小臣趙李從微賤尊寵成帝常與微行者籍詩當本此

牽絲解龜

謝靈運詩牽絲及元興解龜在景平註應璩詩不悟牽朱
絲三署來相尋李善註云牽絲初仕也解龜去仕也

老復丁

急就篇長樂無極老復丁卽參同契所謂老翁復丁壯

假對

蔡寬夫詩話杜子美本無丹竈術那免白頭翁韓退之眼
穿長訝雙魚斷耳熱何辭數爵頻丹對白爵對魚皆偶然
相值立意下句初不在此而晚唐諸人遂立以爲格若
鳥卷簾黃葉落開戶子規啼崔峒因尋樵子徑得到葛洪
家黃對子子對洪是爲假對根非生下土葉不墜秋風殘
春紅葉在終日子規啼住山今十載明日又遷居以下對
秋以洪對子以十對遷皆此例也

淮南雜識卷四

聖

詩有八對

詩苑類格唐上官儀曰詩有八對一曰的名對送酒東南
去迎琴西北來是也二曰異類對風織池間樹蟲穿草上
文是也三曰雙聲對秋露香佳菊春風馥麗蘭是也四曰
疊韻對放蕩千般意遷延一介心是也五曰聯縣對殘河
若帶初月如眉是也六曰雙擬對擬月眉欺月論花頰勝
花是也七曰回文對情新因意得意得逐情新是也八曰
隔句對相思復相憶夜夜淚沾衣空嘆復空泣朝朝君未
歸是也

淮南雜識卷四終 大典翰墨奇景平韻賦類稿不韻率末

淮南雜識跋

少谷夫子之秉鐸吾塗也波年未冠昕夕飢聞教言課業之暇閒舉少時勤學事爲及門勸勉蓋自束髮受書親承祖訓格致誠正之學雖大著於捧檄之後實始基於傳視之先波心焉識之屬屬乎有范喬之感焉今夏出

王父錦峯先生淮南雜識示波校字波自愧齷愚何敢僭

分鱗香竊幸如陟寶山如泛珠船庭誥楹書得窺妙本所謂淵源家學者此其崖畧也乎甚矣考據之學之難也自漢儒治經猶有遺憾而欲以一人聞見卽凡天下事物莫不循其末而探其本此必不易得夫亦極耳目之所可及心思之所可用以著古人如是而已往者吾鄉徐位山先

淮南雜識跋

生寢饋於古者甚深手所循覽旋卽筆之故管城碩記諸書足以嘉惠來學分帙不侈富隸典不求僻或隨事而探其元或指物而證其誤竊謂是書殆有合焉顧不日考而日識是又不以考據之學自居若循循於公政之暇藉以是爲自娛者嗚呼何其意之深遠也吾

夫子欲廣薪傳刊布行世仁人孝子之用心豈非一舉而兩善備焉者哉波今年加長矣學則未有進也伏讀是書而後歎誠意正心必先資於致知格物也有如是夫道光乙巳仲秋門下再晚學生唐金波謹跋

淮南雜識者先大父清河學任時所著也余年三歲隨先
大父自淮回里門日教以字示余字義日知冊余彷彿記
之五歲授句讀隨課於愛閒堂中按年計程歲無虛日每
見先大父手訂是編統古今經史及諸子百家之說彙其
異同校其真誤藏之有年矣道光丙戌秋予捧檄赴當塗
學博任置諸篋中爲愛古者掇去卅年手澤一旦失之實
自愧恨辛丑秋奉內諱旋里於呂竹巖表兄處得有淮南
抄本余凜然讀之較原本爲簡而其中字畫錯誤多有未
安者因請胡守亭孝廉校直之括出數十條極爲允當乙
巳夏唐子瑜孝廉以修理書院時相過從余卽出書示之
悉心讎校凡三閱月煩者刪之訛者正之稽古功深代余
繼述慚且感之書旣成余幸是編之得傳於世惟胡唐兩
孝廉之力居多焉

孫男 維培謹識

交者因... 孫男... 維培謹識... 出書示之... 本余凜然... 較原本爲簡... 其中字畫... 錯誤多有... 未安者因... 請胡守亭... 孝廉校直... 之括出數... 十條極爲... 允當乙巳... 夏唐子瑜... 孝廉以修... 理書院時... 相過從余... 卽出書示... 之悉心讎... 校凡三閱... 月煩者刪... 之訛者正... 之稽古功... 深代余繼... 述慚且感... 之書旣成... 余幸是編... 之得傳於... 世惟胡唐... 兩孝廉之... 力居多焉

